

Mak Ölöwak **Buᅇa Maknönᅇ ohoyök.** **Jim-asa-asari**

Mak namᅇi qetᅇi Maria, iwiᅇi qetᅇi qahö mötzin. Jerusalem siti tonᅇi malget. (Aposol 12.12) Nanᅇi kösohotᅇi kun qetᅇi qahö qeta boᅇ 14.51-52 mianᅇöreᅇ ohoi ahöza. Pitönönᅇ bauköm waᅇgiiga uruᅇi melenᅇiga Buᅇa kusum waᅇgiyök. Waᅇgiiga numbutᅇi Barnabas aka Pol yetpuk liliköba misin nup memba anda Pol mosöta deᅇnohot. Deᅇnohotka toroqeba nup memba mala Buᅇa kösohot mohok mohok qezaköba mindiriba kian kantri yeᅇgöra Grik keunönᅇ ohoyök. Jisösgö keuᅇi mi Arameik. Mi “Eli eli lama lama sabaktani,” mianᅇö dop.

Jisösnönᅇ urugö nupᅇi denöwö memba Anutugö Nahönᅇi aka ambazip bauköm engiba malöhi, Maknönᅇ keu mi jim asariba ohoyök. Jisösgö nupᅇi bohönᅇi karöbut: Buᅇa kusum engiyök, ömewöröme közöl engiyök aka siᅇgisöndok mosöta kawölᅇi kawölᅇi mem ölöwahök.

Buk kianᅇö bahönᅇi bohönᅇi 6 mi kewö:

Keu mutukᅇi: Jon aka Jisös *1.1-13*

Qenjarök nup Galili uruᅇe meyök *1.14–9.50*

Galili mosöta Jerusalem anök *10.1-52*

Jerusalem Sonda mohot mala kömuyök *11.1–15.47*

Jisösnönᅇ kömupnöhök wahörök *16.1-8*

Wahöta asuhuba Suepnönᅇ öᅇgöyök *16.9-20*

1 Amötqeqe Tonji Jisös Kraist mi Anutugö Nahönñi akza. Nöñön yangö Ölöwak Buñani könahiba ohozal.

Jonöñ Jisösgö köna mesarök.

Mat 3.1-12; Luk 3.1-18; Jon 1.19-28

2* Anutunöñ Suep uruñe Nahönñangöra keu kun jiiga kezapqetok azi Aisaianöñ mi ohoiga yangö Buzup Kimbinöñ kewö ahöza,

“Mötnöñ. Nöñön kolek garatani kun melaibiga qeljiñe anda ambazip uruñini mindiñgöba göhö könagi mesariga göñön yangö andöñe gölmenöñ geman.”

3* “Kolek garata kunöñ gölme qararanñkölkölñe geta maliga anda qetñi kewö mötme, ‘Kembunöñ kamawo! Miangöra mönö jöjöröba könañi mesatket. Mönö uruñini mindiñgöba könañi qölöleiget’.”

4 Keu miangö dop azi kun qetñi Jon asuhuyök. Qetñi alañi O-melun azi. Asuhuba gölme qararanñkölkölñe mala kinda Buña keuñi kewö jiba malök, “Inini mönö uruñini melengetka nöñön o melun mem engimam. Mewö aketka Anutunöñ siñgisöndokñini sanğonda mosötma.” 5 Mewö jiba maliga Judia prowinsgö miriñi pakpak aka Jerusalem siti yeñön kambuñi kambuñi köla öröba Jongöreñ kaget. Kaba kañgota siñgisöndokñini jim miwikñaigetka Jonöñ i Jordan o töwatñe o-melun mem engiyök.

6* Jongöreñ silepöke mi kamel jupñan memenji aiga kembañe örigit sömbup sileñan memenji

* 1:2: Mal 3.1 * 1:3: Ais 40.3 * 1:6: 2 Kinj 1.8

mi jöhöba malök. Nenenamji mi gawöt jinam aka arökñangö moronj onji, mia nemba malök. Mi pakpak kezapqetok azi Elaija (Elia) yangö dowa. ⁷ Jonöñ keu kewö jim asariba malök, “Nöngö andöne azi kukösumñi köhöikñi kun kama. Yangö kukösumñi öngöngöñan mönö nöngörenj ongitma. Yañön azi öngöngöñi akñawanğöra nöñön yangö köna esuñangö kösöñi bauköba pösatmamgö qötötangömam. ⁸ Nöñön o töhönöñ melun mem engizalmö, yañön mönö Uña Töröñan melun mem engima.” Mewö.

Jonöñ Jisös o melun mem wanğiyök.

Mat 3.13-17; Luk 3.21-22; 4.1-13

⁹ Nalö miangörenj Jisösnöñ Galili prowinsgö miri Nazaret miangörenjök Jongörenj kaiga Jor-dan o töwatñe o-melun mem wanğiyök. ¹⁰ Mem wanğiiga onöhök koriga miangörenjök Suepnöñ añañiiga Jisösnöñ uba ehiga Uña Töröñi melenđa kembö nei ewö aka Jisösgö qakñe eta meöyk. ¹¹* Mi ehiga Sup mireyök keu kun kewö asuhuyök, “Göñön mönö nani wölböt nahöni aknönğa köröni ölöwahiga geknahöm ak gihizal.” Mewö.

Satanöñ Jisös esapköba malök.

Mat 4.1-11; Luk 4.1-13

¹² O melun mem wanğiiga miangörenjök Uña Töröñan Jisös kuñgum wanğiiga gölme qararañkölkölñe anök. ¹³ Anda wehön 40 miangö dop miangörenj maliga öme bohonnini Satan yañön esapköm wanğiba malök. Sömbup kalñi

* **1:11:** Jen 22.2; Sum 2.7; Ais 42.1; Mat 3.17; 12.18; Mak 9.7; Luk 3.22

mienḡö sutḡine maliga Suep garata yeḡön bauköm waḡgiba malget. Mewö.

Jisösnöḡ gwarekurupḡi mutukḡi eḡgoholök.

Mat 4.12-22; Luk 4.14-15; 5.1-11

¹⁴ Könaḡgep Jon kösö mire alget tariga Jisösnöḡ nalö miangöreḡ Galili prowinsnöḡ lilingöba anök. Anda Anutugö Ölöwak Buḡaḡi jim asariba malök.

¹⁵ *Jim asariba kewö jiyök, “Anutunöḡ bemtohoḡi almawaḡgö nalöḡan mönö dopdowiza. Anutunöḡ nalö aliga mala malgetka döлки akza miangöra mönö uruḡini melenḡa Ölöwak Buḡa möt nariget.”

¹⁶ Jisösnöḡ mewö jiba liliköba mala Galili o aḡgögö göraḡe mötöteiba anda söra örörö azi yahöt ekehök. Qetḡiri Saimon, munḡi qetḡi Andru. Yekḡön mösakḡiri o aḡgönöḡ söra öröbitköra gila malohot.

¹⁷ Jisösnöḡ etkeka kewö jiyök, “Aziyahöt, iḡiri mönö ni nuataḡgöba kayöhotka kusum etkibi ambazip söra ewö öröm eḡgimakḡahot.” ¹⁸ Mewö jüiga miangöreḡök mösakḡiri mosöta könahiba Jisös wuataḡgöba anöhot. ¹⁹ Jisösnöḡ yetpuk borom kun toroqeba anda Zebedigö nahönḡi Jeims aka munḡi Jon ekehök. Yetköḡ mewöḡanök waḡgenöḡ tata mösakḡiri möhamgöba jöhöba malohot. ²⁰ Malohot ekeka miangöreḡök etkoholök. Etkoholiga iwiḡiri Zebedi aka moneḡ nup aziurupḡi waḡgenöḡ eḡgömosöta könahiba Jisös wuataḡgöba andöḡe anohot. Mewö.

Jisösnöḡ öme kun wuataḡgöyök.

Luk 4.31-37

²¹ Mewö mohotḡe anda Kaperneam sitinöḡ aḡgotketka Sabat kendon aiga Jisösnöḡ

* **1:15:** Mat 3.2

miaᅅgöreᅅök köuluk miriᅅine öᅅgöba Buᅅa kusum eᅅgiyök. ²² *Köna keugö böhi ewö qahöpmö, kukösum ahöm waᅅgiyöhaᅅgö dop kusum eᅅgiba ahakmemenᅅgö dop akᅅegöra jiyök. Miaᅅgöra könaᅅesö yeᅅön mi eka auruba welipköget.

²³ Köuluk miriᅅine miaᅅgöreᅅ nalö miaᅅgöreᅅök azi kun ömeᅅambuk tariga öme miaᅅön qetᅅi kewö qerök, ²⁴ “O Jisös, Nazaret asia! Gi wania ak neᅅgimangö akzane? Mönö ayuhum neᅅgimangöra kazan me? Ni könaᅅangi möt kutuzal. Gi Anutugöreᅅ azi Tök-kutukutuᅅi mi akzan.”

²⁵ Mewö qeriga Jisösnöᅅ tembula kewö jim waᅅgiyök, “Gi mönö keugi bököiga azi ki mosöta kesalnöᅅ.”

²⁶ Mewö jim waᅅgiiga ömenöᅅ azi mi utuköba urepköm waᅅgiba qet bölobölö qeta kota mosöta anök. ²⁷ Aniga köreᅅᅅan nemböᅅini teköiga welipköba qesim aᅅguba kewö jiget, “Yei! Ki mönö wani yuaia? Ki mötmöt döläᅅᅅi kukösumᅅambuk. Yaᅅön ömewöröme mewöyök jim kutum eᅅgiiga jitiᅅi tem kölje.”

²⁸ Mewö asuhuiga Jisösgö qetbuᅅaᅅan könöᅅuk sehiba miri kösutᅅe tat angeri, miaᅅgöreᅅ anda anda Galili prowins pakpak dop köläk. Mewö.

*Jisösnöᅅ kawöl ambazip gwöᅅᅅuk meiga ölöwaket.
Mat 8.14-17; Luk 4.38-41*

²⁹ Jisösnöᅅ Kaperneam yeᅅgöreᅅ köuluk miri mosöta miaᅅgöreᅅök Jeims Jon yetᅅuk Saimon aka Andru yetkö mire öᅅgöget. ³⁰ Miaᅅgöreᅅ öᅅgögetka Saimongö suhunᅅan silekönöᅅ kawöl yöhöi ahöyök. Ahöiga buzupᅅi mi ösumok Jisös jiget

* 1:22: Mat 7.28-29

mörök. ³¹ Jiget möta yangören anda böröje memba kököbiiga wahörök. Wahöriga silekönöpñan mosöriga nene ohoba gumohom engiyök.

³² Gumohom engiiga mare aiga wehön jeñi geiga mianğoren Kaperneam toni yeñon kinda ambazipñi ambazipñi kawöl ömeñinambuk mi körek enğuanğita Jisösgören kaget. ³³ Kaperneam taonöhök kambulelebenöñ kaba Saimongö miri nanğuje tokoget. ³⁴ Tokogetka kinda ambazip kawöl könañi könañi enğöhöyöhi, mi gwötpuk mem ölöwak engiyök. Mewöyök ömewöröme yeñon Jisösgö könañi mötkerañğora Jisösnöñ numbuñini muhungöba gwötpuk enğuatañğöyök. Mewö.

Amöt böröñi Galili körek dop kölök.

Luk 4.42-44

³⁵ Jisösnöñ gaun ahöiga miri wanğarañ suruiga wahöta miri yaigepñe geba görañe anda nanñök tiñ kutuba mianğoren köuluköyök. ³⁶ Köuluköiga Saimon aka alaurupñi yambuk malgeri, yeñon zilañ könañe anget. ³⁷ Anda miwikñaiba kewö jiget mörök, “Ambazip körekñan mönö göhóra jaruze.”

³⁸ Mewö jigetka möta kewö jiyök, “Miri tosatñi tosatñi liliköba tat anjei, ekze. Nöñon Buña keu miri dop jim sehimamğora eta maljal. Mianğora mönö miri liliköba anbin.”

³⁹ *Mewö jiba anda Galili prowins körek liliköba köuluk miriñine Buña keu jiba ömeñi ömeñi mi enğuatañğöba malök. Mewö.

Jisösnöñ uzikuku azi kun mem solaniyök.

Mat 8.1-4; Luk 5.12-16

* **1:39:** Mat 4.23; 9.35

⁴⁰ Jisösnöñ taon kunöñ maliga uzikuku azi kunjan kaba simin köla Jisösgö wösöñe geba kewö köuluköm wanjiyök, “Göñön sihimgan mem ölöwak ningimangö mötzan ewö, mönö ni ölop mem solanim ningiman.”

⁴¹ Mewö jiiga yanğora wösöñi möta böröñi böranda silenji misiriba jiyök, “Nöñön mi akñangö mötzal. Gi mönö solaniman.” ⁴² Mewö jiiga uzikukuñi mi miangörenök solanii ölöwahök. ⁴³ Solaniiga galöm meme keu köhöikñi wanjiba miangörenök “Ölop anman,” jiyök. ⁴⁴ *Goro mi kewö jiiga mörök, “Mötnöñ. Kiangö buzup keuñi mi kun kude jinöñ mötme. Qahöpmö, mönö jike nup galömgören anda silegi kondel wanjiman aka Mosesgören jimkutukutu wuatangöba solanizanañgö saiwap nalukñi ala jöwöwöl ohoman. Mi ohonöñ ehiga ambazipnöñ kónañangi möt kutume.”

⁴⁵ Jisösnöñ mewö jiyökmö, yanön anda töndup könahiba keu buzupñi mi gwötpuk jiba maliga sehiyök. Sehiiga Jisösnöñ taonñi taonñi miangören aukñe kunbuk anmangö osiyök. Osiba taon andöñine miri gwamönñi miangörenök malök. Miangören maliga miri dop miangörenök ambazipñi ambazipñi mi yanğoren kaget. Mewö.

2

*Jisösnöñ azi sile likepñi kömukömuñi möhamgöyök.
Mat 9.1-8; Luk 5.17-26*

¹ Mewö liliköiga nalö tosatñi teköiga Jisösnöñ lilingöba kunbuk miriñe Kaperneam kayök.

* **1:44:** Lew 14.1-32

Kaiga “Mire malja,” jiget mötket. ² Ambazip gwötpukñan mi möta tokoba yangö miri nanju söndakñe gwözöñda sombemñe kokolak qeget. Kokolak qegetka Jisösnöñ kinda Buña keu jiiga mötket. ³ Mötketka mianğöreñ azi kun sile likepñi kömükömuñi, mi wañgita yangöreñ kaget. Azi 4:ñan i kululunöñ ala añguba kaget. ⁴ Kagetka gwözöñda kingerağöra aka Jisösgö kösutñe anda albingö osiget. Osiba miri qakñe öngöba Jisösgö bohonñeyök bo esim luluñget. Luluñgetka kinimñi ahuiga mianğöreñ kawöl azi mi kululuñambuk kösönöñ jöhöba algetka geiyök. ⁵ Mewö geiga Anutu möt narim wañgigeri, Jisösnöñ yengö tandökñini mi ehi dop köliga kawöl azigöra kewö jiyök, “Nahöni! Nöñön siñgisöndoki mosötzal.”

⁶ Mewö jiiga Köna keugö böhi tosatñan sutñine tata uruñinan kewö mötmöriget, ⁷ “Azi kianñön denöwögöra mewö jiza. Mönö Anutu ilita mepaqepaik akza. Anutu mohotñan siñgisöndoknini mosörakzapmö, azi kunñan mi qahö.”

⁸ Uruñinan mewö mötmörigetka Jisösnöñ mianğöreñök uruñan mi möt kutuba kewö jii mötket, “Inini mönö wuanöngöra keu mewöñi uruñinan mötmörize? ⁹ Nöñön ‘Siñgisöndoki mosötzal,’ kawöl azigö mewö jizali, keu mianñön mönö awamñanök jijiña. Kunñan mewö jiiga tosatñan keu mianğö ölni qahö ekñe. Mianğöra mi keu awamñangö dop. Nöñön keu kun kewö jimangö mötzal, ‘Mönö wahöta tumbulahöpki memba anöñ.’ Keu mi mönö lömbötñambuk jijiña akza. Mewö jibiga ölni ahuma me qahöwi,

mianjōn mōnō aukŋe asuhui ekŋe. ¹⁰ Mōtket, gölmenōŋ siŋgisōndok mosōtmosōtkō kukōsumŋi mi Suep gölmegō azi öljāŋgōreŋ ahōzawi, iŋini mianjō kōnaŋŋōra janjuŋ malbepuk. Mianjōra keu lömbōtŋi mi azi kianjōra jibi öljī eket,” Mewō jiba azi sile likepŋi kōmukōmuŋjō jeŋe eka jiyök, “Nōŋōn göhōra jizal: Gi mōnō wahōta tumbulahōpki memba mirige anōŋ. Keu lömbōtŋi mi öljāmbuk akŋa ewō, keu awamŋi mi mōnō mewōyök denōwōgōra omaŋi akawak?” ¹¹ Mewō jiba azi sile likepŋi kōmukōmuŋi kewō jii mōrök, “Nōŋōn göhōra jizal: Gi mōnō wahōta tumbulahōpki memba mirige anōŋ.”

¹² Jiiga mōnō wahōta mianjōreŋök tumbulahōpŋi memba ambazip pakpak yeŋgō jeŋine yaigepŋe anök. Mewō aniga kōrekŋan welipkōba Anutu möpōseiba kewō jiget, “Yei! Tandök kewōŋi mi mōnōwök nalō kungen qahō ehin. Qahō. Dölki je murutŋa ekzin.” Mewō.

Jisōsnōŋ Matyu (Liwai) oholök.

Mat 9.9-13; Luk 5.27-32

¹³ Jisōsnōŋ kunbuk Kaperneam mosōta anjōnōŋ geba sak qōhörōŋe anda malök. Maliga ambazip kambulelebenōŋ yangōreŋ kagetka Buŋa keu kusum enjyök. ¹⁴ Anda takis ofis oŋgitmamgō aiga mianjōreŋ azi qetŋi Liwai Alfiusgō nahōnŋi tariga eka jii mōrök, “Gi mōnō nōŋgō andōne kanōŋ.” Mewō jiiga möta wahōta takis nup mosōta Jisōsgō andōŋe anök.

¹⁵ Anda Liwaigō mire anda nene nempa tatkeri, nalō mianjōreŋ takis meme azi tilipqilipŋinambuk aka siŋgisōndok azi gwōtpukŋan kaba Jisōs aka

yanğö gwarekurupni yembuk tata nene mohokne neget. Gwötpuknan mönö Jisös wuatangöba malget. ¹⁶ Jisösnöñ takis meme tilipqilipñinambuk aka sinğisöndok ambazip tosatñi yembuk tata nene negeri, mi Farisi (Köna keugö kapañkölköl) aka yeñgöreñ böhi tosatñan eka Jisösgö gwarekurupni kewö jim engiget, “Aek! Yanjön mönö wuanöngöra takis meme tilipqilipñinambuk aka sinğisöndok ambazip yembuk tata nene neza? Mi qahö dop kölja.”

¹⁷ Mewö jim engigetka Jisösnöñ likepni kewö jii mötket, “Sile unditundit ambazipnöñ doktagöra qahö ak engimakzapmö, kawöl ambazipnöñ doktagöreñ anakze. Nöñön sinğisöndok ambazip eñgoholmamgöra kaba maljalmö, ambazip nanñinanğö mötketka solanñi akzei, i qahö.” Mewö.

Nene sinği malmalgö keunji

Mat 9.14-17; Luk 5.33-39

¹⁸ Nalö mianğöreñ Jongöreñ gwarekurupni aka Farisi (Köna keugö kapañkölköl) yeñön nene sinği malgetka tosatñan Jisösgöreñ kaba kewö qesiget, “Jon O-melun azigö gwarekurupni neñön Anutugöra nene sinği malahakzin. Farisi (Köna keugö kapañkölköl) yeñgö gwarekurupñinan mewöñanök aka malje. Nangi gwarekurupkan mönö wuanöngöra Anutugöra sinği qahö malje?”

¹⁹ Mewö qesigetka kewö melenök, “Ölña! Nini wani nalönöñ nene sinği malakzin? Ambi meme nalöñe azigö andöurupñan könöpni algetka ambigö sepkitipurupñan yuai mi tökömakze me qahö? Nöñön nani gwarekurupni yeñgö azi buñaya aka yeñgö sutñine köisirik tatzal. Tatpiga yeñön

miaŋgöra aijölön sönğaiba tata sinji malbingö osimakze. ²⁰ Osimakzemö, Anutunön noaŋgiri kömumbiga yejön mönö nalö miaŋgöreŋ ölop sinji malakŋe.

²¹ (Inini malmal walŋi aka sösönğai Buŋa dölökŋi mi mindirim etkibingö osime. Miaŋgö keu pasetŋi mi kewö jibi mötket:) Löŋgölöŋgöt walŋi jurariga kunŋan opo dölökŋi qahö sanğonşanğoni mitiba miajön opo su jöhanŋi qahö uhum memba umğöreŋğomakza. Mewö akawak ewö, opo su jöhanŋi dölökŋan mönö waziba löŋgölöŋgöt walŋi öröiga kunbuk tiŋgiriga kinimŋan qariba böliqölibapuk. ²² Mewöŋanök kunŋan wain o dölökŋi mi jobö me toru walŋi lama silenŋan memeni miaŋgöreŋ qahö kusuiga gemakza. Mewö akawak ewö, wain o dölökŋan mönö qariba toru qesiŋniga jula mokoiga gölmenön eta sohoiga toruŋan böliqölibepuk. Miaŋgöra wain o dölökŋi mi toru dölökŋeyök mokoin geiga dop kölma. (Mewöŋanök o ölopŋi mi gina gisagisahöŋe qahö umakzin. Mewö ubinak ewö, miajön mönö jula kisipisirik eriga namba kawöl neŋğöhöbapuk. Mewö akapuköra o ölopŋi mi gina ölopŋe umakzin. Inini mewöyök malmal walŋi aka Ölöwak Buŋa dölökŋi mi mindirim etkibingö osime.) Mewö.”

Jisösnön Sabat kendongö Kembuŋi akza.

Mat 12.1-8; Luk 6.1-5

²³* Miaŋgö andöŋe Sabat kendon kunön Jisösnön wit padi nup köröŋi ketani kutuba anök. Aniga gwarekurupŋan wösönjini enğuiga wit ölni mohot mohot könahiba böröŋinan misiba neget. ²⁴ Mewö

* **2:23:** Dut 23.25

negeraŋgöra Farisi (Köna keugö kapankölköl) tosatŋan Jisös kewö jiget mörök, “Mötnöŋ, yeŋön mönö wuanöŋgöra Sabat kendongö nup meme songöŋi oŋgitze?”

²⁵ *Mewö jigetka kewö melenök, “Kin Deiwidnöŋ yarö aziurupŋi yembuk liliköba wösöŋini enŋuiga nenegöra osiba yuia akeri, mi lök nalö kunöŋ oyöŋget me qahö? ²⁶ *Yaŋön mönö Anutugö opo seri jikenöŋ öŋgöba beret kömbukŋi Anutugö jemesoholŋe altanöŋ alget tariga ösumŋan walöŋniga qekögeri, mi mönö memba neyök. Beret kömbukŋi mosötmosötŋi mi jike nup galöm yeŋönök nezema. Tosatŋan mi nembepuköra songo ahöiga töndup neyök. Nemba aziurupŋi tok enŋiiga mohotŋe neget. Nalö mianŋgöreŋ azi qetŋi Abiatar yaŋön jike nup galöm bohonŋaŋgö nup memba malök.”

²⁷ Mewö jiba kewö jii mötket, “Anutunöŋ Sabat kendon mi ambazip ölöwakŋegöra ali ahöza. Mia ambazipnöŋ laŋ jim kutumegöra aka qahö. ²⁸ Mewö aiga Suep gölmegö azi ölnan mönö Sabat kendongö Kembuŋi mewöyök akza.”

3

Jisösnöŋ azi böröŋi sösöröŋgöŋi mem ölöwahök.

Mat 12.9-14; Luk 6.6-11

¹ Jisösnöŋ kunbuk köuluk mire öŋgöiga mianŋgöreŋ azi böröŋi sosoholiŋi kun tarök.

² Mianŋgöreŋ azi böröŋi sosoholiŋi kun tarök. Ambazipnöŋ Jisös keu jakene al waŋgibingöra “Azi mi Sabat kendonöŋ möhamgöma me qahö?” jiba

* **2:25:** 1 Sml 21.1-6 * **2:26:** Lew 24.9

Jisös je galöm memba tatket. ³ Megetka Jisösnöñ azi böröñi sosoholiñi mi kewö jii mörök, “Mönö wahöta jenine kinöñ.” ⁴ Mewö jiba kewö jii mötket, “Köna keu wuatangöba Sabat kendonöñ yuai ölöpnji me bölöñi akin? Ölöp kungö bohonñi jöhöbin me mosöringa kömuma? Wanat kun meinga dop kölma?” Mewö jii möta göröñ alget.

⁵ Keuñini göröñ tatketka lilingöm purik engehi uruñinan köhöikñi gwözöñnöhangöra wösöbirik aka kukjejenöñ engehök. Mewö engeka azi miangö jiyök, “Gi mönö börögi qötöteinöñ.” Mewö jiiga böröñi qötöteiba kunbuk ölöwahök. ⁶ Ölöwahiga Farisi (Köna keugö kapañkölköl) yeñön yaigep anda miangörenök premiö Herodkö pati alaurup yembuk totoko ala “Jisös denöwö qein kömuma?” jiba keu nup meget. Mewö.

Jisösnöñ kawöl ambazip mem ölöwak engyiyök.

⁷ Mewö megetka Jisösnöñ gwarekurupñi enguangita o angö jitñe anget. Angetka Not prowins qetñi Galili miangörenök ambazip kambuleleme yeñön könañe wuatangöba anget. Judia prowins miangörenök mewöyök yangören kaget. ⁸ Siti bohonñi qetñi Jerusalem, Saut prowins qetñi Aidumia aka Jordan o likepñeyök Wehön Kotkotñe yeñön aka Wehön Gegeñe görökenök taon qetñiri Taiö aka Saidon liliköba maljei, yeñön mohok kambulelemenöñ öröba kaget. Jisösnöñ angöletot ketañi ketañi memba malöhi, miangö buzupñi möta mindiqindiriba kañgotket. ⁹ *Mewö kañgota utal wañgibepuköra Jisösnöñ gwarekurupñi kewö jii mötket,

* 3:9: Mak 4.1; Luk 5.1-3

“Ölököm ningibepuköra injini mönö wanje kun miwikñaiba nõngöra dowe alget tarök.” ¹⁰ Mewö jii möta ambazip sehisehiji mem ölöwak engiba malök. Miangöra qemjem-mamjen aka sile lölömböröñinambuk pakpak yeñon sileñe misiribingöra liliköba gwötpuk aum metala utal wanjiget. ¹¹ Ömeñi ömeñi yeñon Jisös eka jemesoholje gölmenöñ geba kewö qetket, “Gi Anutugö Nahönñi akzan!”

¹² Mewö qetketka Jisösnöñ qetal engiba könöñamñan aukñe asuhubapuköra sonjo köhöikñi al engiyök. Mewö.

Jisösnöñ gwarekurupñi möwölöhöm engiyök.

Mat 10.1-4; Luk 6.12-16

¹³ Könanjep Jisösnöñ kundunje öngöba miangören nanñi sihimñangö dop azi engoholiga yangören kaget. ¹⁴ Kagetka azi 12 mi yambuk malmegöra al engiba Buña keunji jim sehimegöra melaim engiyök. ¹⁵ Melaim engiba ömewöröme közöl engimegö kukösumñi engiyök.

¹⁶ Mewö aka azi 12 ki kewö al engiyök: Pitö, Jisösnöñ qet mi Saimon wanjiyök. ¹⁷ Jeims aka munñi Jon, iwinjiri qetñi Zebedi. Jisösnöñ yetkö qetñiri kun Boanerges qerök. Mi nanine keunöñ Pöndandañgö Nahönyahötñi. ¹⁸ Andru, Filip, Bartolomyu, Matyu, Tomas, Jeims Alfiusgö nahönñi, Tadius, Saimon Zelot-politik azia* ¹⁹ aka Judas Iskariot. Kariot azi mianön könanjen Jisös mamalolo mem wanjiyök. Mewö.

* **3:18:** Nasönöl pati zelot yeñon Rom gawman tuarenjoñ aka nanjine kinkin mendingöra tuaköpek memba malget.

*Jisösnöŋ öme yeŋgö kukösumŋini oŋgita qei etza.
Mat 12.22-32; Luk 11.14-23; 12.10*

²⁰ Jisösnöŋ mi al eŋgiba kunduneyök eta nanŋi miriŋe kayök. Mire kaiga ambazip kambu ketanŋi kunbuk kaŋgota tokogetka mönö miangöra tosolomŋi yembuk nene nemingö osiget. ²¹ Osigetka sepkitipurupŋan mi möta “Uruŋi lök sohoza!” jiget. Jiba geba waŋgitpingöra anget.

²² *Angetka Köna keugö böhi Jerusalemök kageri, yeŋön jiget, “Satangö Katakömulatnöŋ mönö uruŋe geiga malja. Yaŋön öme yeŋgö kembuŋinaŋgö ösumnöŋ ömewöröme eŋguataŋgömakza.”

²³ Mewö jigerangöra Jisösnöŋ eŋgoholi kagetka dopkeunöŋ kewö jii mötket, “Satanöŋ mönö denöwö alaŋi Satan kun wuatangöbawak? ²⁴ Kantri kungö galömurupŋinan sutŋine aŋgururuk aka julme ewö yeŋön mönö galömkölköl nupŋini memba kinbingö osime. ²⁵ Mewöyök miri kungö könagesö yeŋön sutŋine aŋgururuk aka julme ewö, mönö galömkölköl nupŋini memba kinbingö osime. ²⁶ Mewöyök Satangö könagesö yeŋön sutŋine aŋgururuk aka tuarenjoŋ ak aŋgubeak ewö, galömkölkölŋinaŋgö ösumŋan eriga bemtohoŋinan mönö qahöwakŋangö akza.

²⁷ Kunŋan azi köhöikŋangö köna böröŋi mutuk qahö jöhöma ewö, yaŋön mönö miriŋe öngöba qezanŋa sukinapŋi memangö osima. Mutuk i jöhöi tarigun mönö ölop miriŋeyök öröyuainŋi pakpak waŋgita memba anma. (Miangö dop

* **3:22:** Mat 9.34; 10.25

nöñön mewöyök Satan jöhöba andöñe ömenji enjuatañgömakzal.”) Mewö.

Singisöndok mosötmosötñi qahö

²⁸ Nöñön keu ölnji kun kewö jibi mötme, “Ambazip ketañi moröñi singisöndok ahakzei, mi Anutunöñ mosörakza. Lömbötñambuk me awamñi mepaqepaik akeak mönö mi Anutunöñ sanjon enjima. ²⁹ *Sanjon enjimapmö, Kunñan Uña Töröñi ilita mepaikömawi, mianjö singisöndokñi Anutunöñ mönö nalö kunöñ qahö mosötma. Saumbañ! Singisöndok mianjön mönö qakñe öngöiga nalö teteköñi qahö Anutugö jeñe keuñambuk malma.” Mewö jiyök. ³⁰ “Ömenöñ uruñe geyöhawa malja,” Jigerañgöra aka mewö kusum enjijök. Mewö.

Jisösgö nam-munurupñi.

Mat 12.46-50; Luk 8.19-21

³¹ Mewö eraum mötketka nam-munñan kaba yaigep kinda yeñgöreñ etmapkö keu alget yañgöreñ anök. ³² Aniga ambazip kambu yeñön liliköm wañgiba tata kewö jiget mörök, “Mötnöñ! Göhö nam-mungan mönö yaigep kinda göhöra qesize.”

³³ Jigetka melenða kewö jii mötket, “Nöngö namni mi dañön aka munurupni dañön?”

³⁴ Jisösnöñ mewö jiba ambazip liliköm wañgiba tatkeri, i uba engeka kewö jiyök, “Eket nöngö namni aka munurupni mönö ki. ³⁵ Anutugöreñ jitsihitñi tem kölahakzei, mienjön mönö nöngö namni aka nen-munurupni akze.” Mewö.

* 3:29: Luk 12.10

4

Qesin gilgil azigö dopkeu
Mat 13.1-9; Luk 8.4-8

¹ *Jisösnöŋ kunbuk o anğö jitŋe geba könahiba kusum enğiyök. Kusum enğiiga ambazip kambulelemenöŋ yangören anda tokogetka waŋgenöŋ öngöba o anğö qakŋe anda tarök. Tariga ambazip pakpak yeŋön anğö göraŋe saknöŋ tokoget. ² Mewö tokogetka dopkeu gwötpuk jiba kusum enğiyök. Kusum enğiba kewö jiyök.

³ “Mötket! Azi kunŋan nene kötni qesin gilmangöra nupnöŋ anök. ⁴ Anda qesin giliga kötni tosatŋan köna jitŋe geba kölget. Geba kölgetka (warawen) neiŋi neiŋi kaŋgota mi nem teköget. ⁵ Kötni tosatŋan köt jamönjiŋnöŋ geba kölget. Geba köla miangören gölme gwötpuk qahö miwikŋaiget. Gölme dutŋi qahö ahöyöhangöra korapŋi zilaŋ kotket. ⁶ Kotketmö, wehönöŋ kota enguba jem kutum enğiiga jalöŋini qahöpköra soholiba gororoŋgöget. ⁷ Kötni tosatŋan siriuret wahinambuknöŋ miangören geba kölget. Geba kölgetka mienön kota qem turugetka böbölohot mem enğiget. Mewö aka ölni qahö kuŋguget. ⁸ Kötni tosatŋan gölme ölöpŋe geba kölget. Geba köla korapŋini jula wahöta ipŋinangö ölni ölöpŋi asuhuget. Tosatŋan kötni 30, Tosatŋan kötni 60, tosatŋan 100 miangö dop ahum sehiget.” ⁹ Mewö jiba jim teköyök, “Kunŋan urukezapŋambuk malja ewö, yaŋön mönö dopkeu ki kezap ala möt kutuma.” Mewö.

* **4:1:** Luk 5.1-3

Jisösnöŋ wanigöra dopkeu jiyök.

Mat 13.10-17; Luk 8.9-10

¹⁰ Kambu ketani yeŋön denŋa angetka Jisösnöŋ nanŋök tarök. Nanŋök tariga gwarekurupŋi 12 aka tosatŋi liliköm wanŋigeri, mi mohotŋe dopkeu kienŋö könaŋinanŋöra qesim wanŋiget. ¹¹ Qesim wanŋigetka kewö melenŋa jiyök, “Anutugö bemtohoŋe anŋota malbingö keu tölapŋi mi enŋöra aukŋe jibi möt kutuzemö, yaigep maljei, yeŋgöra mi pakpak mönö dopkeunöhök asuhumakza. ¹² *Mewö asuhuiga

‘Nanŋini jeŋinan yuai ekagun könaŋi töndup qahö möt kutume.

Nanŋini Kezapŋinan keu törörök mötagun könaŋi töndup qahö möt asarime.

Mi möt asaribeak ewö, mönö ölop uruŋini melenŋetka Anutunöŋ siŋgisöndokŋini mosötpawak.’ ”

Jisösnöŋ dopkeugö könaŋi jiyök.

Mat 13.18-23; Luk 8.11-15

¹³ Jisösnöŋ toroqeba kewö jii mötket, “Dopkeu miangö könaŋi kewö. Mi kude möt asarize ewö, dopkeu tosatŋi pakpak jimami, mi mönö denöwö möt asaribeak? ¹⁴ Dop Keu miangö könaŋi kewö: Qesiŋgilil azinöŋ Buŋa keu qesiŋda gilja. ¹⁵ Nene kötŋi köna jitŋe geba kölgeri, mi kewö: Buŋa keu qesiŋ gilgetka ambazip uruŋine gezapmö, mi mötketka Satanöŋ miangöreŋök kaba keu uruŋine qesiŋget geyöhi, mi qeköba enŋuanŋgirakza. ¹⁶ Nene Kötŋi qesiŋniga köt jamönjiŋnöŋ geba kölgeri, mi mewöyök ambazip söpsöpŋi kun. Yeŋön

* **4:12:** Ais 6.9-10

Buṇa keu möta miangörejök sösöngai qakṇe möt angön kölakze. ¹⁷ Mewö ahakzemö, uruṇine jalöṇi qahö ahöm engimapmö, nalö töröptökṇi miyök kin köhöiba malme. Buṇa keugöra aka kahasililiṇ me sesewerowero asuhuiga nalö miangörejök mönö tala enguma. ¹⁸ Nene köṭṇi qesiṇniga siriuret wahinambuknöṇ geba kölgeri, mi kewö: Yeṇön Buṇa keu mötketka uruṇine geza. ¹⁹ Gezapmö, gölmenöṇ malmalgö waimanjatṇi aka moneṇ inap memegö urukönöpṇi ahuba lömbörim engimakzal. Qetbuṇaṇinambuk akingö köpösöngögetka sihim kömbönaṇi bölöṇi tosatṇan mewöyök uruṇine dumgöba Buṇa keu böbölohot mem waṅgize. Mewö aiga öḷṇini qahö gilipitṇi (ambetakṇi) akṇe. ²⁰ Nene köṭṇi gölme ölöṇṇe qesiṇniga geba kölgeri, mi ambazip kewöṇi: Yeṇön Buṇa keu kezap ala möta möt angön köla pöndaṇ kinda öḷṇini miwikṇaimakze. Tosatṇan keu jit mohoknöhök köṭṇi 30 miwikṇaimakze. Tosatṇan öḷṇini 60, tosatṇan keu köṭ mohot mohot miengö öḷṇini 100 mem sehiba miwikṇaimakze.” Mewö.

Lampe mi asakṇi neṅgimapköra ahöza.

Luk 8.16-18

²¹ *Jisösnöṇ keu kun kewö jiyök, “Kunṇan lambe me kiwa memba ohotiriba kimbut me dum bapṇe alma me qahö? Mi waniṇe alma? Mi mönö miangö dum tatatnöṇ aukṇe alma. ²² *Mewöṇanök yuai kun asambötket ahözawi, mi mönö aukṇe asuhum tiṅgitmapköra ahöza. Yuai kun köl tu-ruget ahözawi, mi mönö lulunget kötulmapköra aka

* **4:21:** Mat 5.15; Luk 11.33 * **4:22:** Mat 10.26; Luk 12.2

ahöza. ²³ Kunñan urukezapñambuk malja ewö, yañön mönö dopkeu ki kezap ala möt kutuma.” Mewö.

Denöwö diwelopmen ahuza?

²⁴ *Jisösnöñ keu kewö jii mötket, “Keu mötzei, mi mönö möt aňgön köla urukönimñine ala köl guliba malme! (Mewö malgetka uruñini diñgiiga mötmöññinan qariiga möt kömume.) Inini tosatñi yeñgö keuñini kewöta jim tekömei, Anutunöñ mönö jimkutukutuñini mohot mianğö dop nanñini keuñini kewöta jim teköma. Dop mi mönö oñgita likepñi melen ɛngima. ²⁵ *Mianğö könañi kewö: Kunñan mötkutukutuñambuk maljawi, Anutunöñ mönö mi toroqem wañgiiga malmappmö, kunñan mötkutukutuñi qahö maljawi, Anutunöñ mönö mötmöññi moröñi ahözawi, mi mewöyök qeköba wañgitma. Mewö.

Buñ keu köññi mi korapñambuk.

²⁶ Jisösnöñ dopkeu kun kewö jiyök, “Anutugöreñ bemtohoñi mi kianğö dop: Azi kunñan nuwe anda nene köññi qesiñda gilma. ²⁷ Qesiñda gila anda suñgem silim ahöba wahöta ahöba wahöriğa nene köññanğö korapñi jula korakze. Denöwö jula korakzei, mi nanñak qahö möt kutuza. ²⁸ Gölmenöñ nanñök nam köli öññi asuhumakza: Mutuk ipñi, könañgep öññi aka mianğö andöñe öññanğö köññi mi körek asuhuba qarim teköme. ²⁹ *Öññi qarim teköba öliğa öññi memegö nalöñi aiga welenqequeurupñi melaim

* **4:24:** Mat 7.2; Luk 6.38

* **4:25:** Mat 13.12; 25.29; Luk 19.26

* **4:29:** Joel 3.13

enjiiga souñini kapenkapenğöñi jitñinambuk memba ölni membingöra nupñe anme.” Mewö.

Nejoñ kötñanğö dopkeu

Mat 13.31-32, 34; Luk 13.18-19

³⁰ Jisösnöñ dopkeu kun kewö jiyök, “Anutugö bemtohoñi mi wanatpuk dop albinak me wanat söpsöp keu jiba jim asaribinak? ³¹ Mi nejoñ kötñanğö dop kewö akza: Kötñi mi morö közözömñi. Mi gölmegö nene köt pakpak miengö eretñini akza. Mewö aiga nup gölmenöñ esize. ³² Esizemö, jula wahöta yöha pakpak enğonğita qariba böröñi ketanji gili anje. Mewö gili angetka könakembagö neiñi neiñi mienjön aipñini miangö aumñe alakze.” Mewö.

Jisösnöñ dopkeu gwötpuk jiyök.

³³ Jisösnöñ dopkeu mewöñi mewöñi mi gwötpuk jiba mala Buña keu jiiga mötket. Möt kutugeranğö dop mi jiiga möta malget. ³⁴ Nalö dopkeuñi pakpak mi dopkeunöñ jiba malök. Keuñi kun öne kude jiyökmö, gwarekurupñi yembuk nanñinök malgetka keu pakpak miengö könanjini mi jim asarim enğiba malök. Mewö.

Jisösnöñ jiiga raidimbom göröñ qeyök.

Mat 8.23-27; Luk 8.22-25

³⁵ Wehön miangörenj mare aiga Jisösnöñ gwarekurupñi kewö jii mötket, “Mönö mosöta anğö kutuba likepñe angotpin.” ³⁶ Mewö jiiga ambazip kambu enğömosöta Jisös wangigetka wanğenöñ tari anget. Wanğe tosatñi mi mewöyök yembuk awatanj anget. ³⁷ Angetka raidimbom ketanjan ömtöröp (töröpñanök) giliga sirinöñ

wanje uruŋe gegetka wanje numbunje qemamgö ahök. ³⁸ Mewö aiga Jisösnöŋ wanje teteköŋe tata qömböŋnöŋ nariba gaun ahöyök. Gaun ahöiga gwarekurupŋan anda möndöba jiget, “Hei böhi! Nini aŋgönöŋ ayuhubingöra akzin. Miangö waimanjatŋi kun mötzan me qahö?”

³⁹ Mewö jigetka imbiŋi möta luhut aka siri kewö jim qetal etkiyök, “Mönö bököba öne ahönöŋ!” Mewö jiiga luhutnöŋ döŋgöiga sirinöŋ nöŋ qeba ahöyök. ⁴⁰ Mewö aka kewö jim enjiyök, “Inini mönö wuanöŋgöra kenget mötmöt azia akze? Denöwögöra aka Anutu qahö möt narize? Sömbuŋini mönö öne mötze.”

⁴¹ Jiiga awöwöliba qem sömbuŋini möta eraum mötket, “Yei, azi kia mönö denöwöŋan malja? Yaŋön mönö luhut aka köwet jim kutum etkiiga jitŋi tem köljahot?” Mewö.

5

*Ömenöŋ bau uruŋine gegetka azinöŋ ölöwahot.
Mat 8.28-34; Luk 8.26-39*

¹ Mewö asuhuiga aŋgö kutuba likepŋe Gerasin yeŋgö gölmenöŋ aŋgotket. ² Aŋgota körökŋe öŋgögetka Jisösnöŋ wanje mosöriŋa miangörenök azi ömenambuk kun mi qaksirinöhök kaba kinda Jisös miwikŋaiyök. ³ Azi mi qaksirinöŋ mala qamöt köteŋi esiba urorohoget ahögeraŋgören ahöm malök. Azi körekŋön könaböröŋi tapep (muŋgamuŋga) kösönöŋ jöhöbingö osiba malget. ⁴ Indimŋi gwötpuk könaŋi tapep kösönöŋ jöhöba börötakŋi qeba malgetmö, börö takŋi kusula köna kösöŋi titikutuba maliga körekŋan i galöm

köl osiget. ⁵ Osiba sun gem asak dop sundan qaksirigö köt köteṅnön me kundunṅe laṅlaṅ ahöba malök. Mewö mala silata qeta silenṅi kötnön qem kutumutuba malök.

⁶ Jisösnön tikep kaiga eka ösumṅan kaba gölmenön kösutṅe geba simin kölök. ⁷⁻⁸ Simin köliga Jisösnön ömeṅi mi kewö jim waṅgimangöra ahök, “Öme bölönṅi! Gi mönö azi ki mosöta anönṅi!” Mewö jimangöra aiga qet bölöbölö ketanṅi qeta jiyök, “Aek! Gi Jisös, Anutu öṅgöṅgöṅaṅgö Nahönṅi akzan. Gi denöwö ak niṅgimangöra kazan? Nönön Anutugö jemesoholṅe ulet gihizal: Gi keu jöhöba jöjöpaṅ keunön jim köhöiba mönö sihimbölö könöṅpaṅbuk kude ak niṅginönṅi.”

⁹ Mewö jiiga kewö qesiyök, “Gi qetki niṅi?” Qesi-iga jiget, “Nini gwötpuk maljinangöra qetnini Lijön jizin.” Mi nanine keunön Kerök kambu ketanṅi.

¹⁰ Mewö jiba kapaṅ köla kewö ulet waṅgiget, “Gi neṅguatanṅöbanak, mewö mönö gölme kianṅöreṅök kude melaim neṅgiman.”

¹¹ Kösutṅine kundunṅi marömṅe miangöreṅ bau kambu ketanṅi kun gwözözak uruṅe kulunṅa malget. ¹² Miangöra ömenön kewö jiba Jisös ulet waṅgiget, “Gönön melaim neṅginönṅa nini ölop bau miengö uruṅine gebin.” ¹³ Jigetka “Mönö anda geget,” jiba jim kutum enṅiiga azi uruṅeyök kota anda bau uruṅine geget. Gegetka miangöreṅök bau kambu 2000 miangö dop mi mönö luhuba nembönembönön anda jororönṅöba o anṅönön geba nemulahöba kömuget.

¹⁴ Kömugetka bau galöm yeṅön ölonṅ unjurata taon aka miri morömorö miangöreṅ anda

keu buzupni jiget. Jiget mötketka ambazip sesegilgil yenön yuai asuhuyöhi, mi ekingöra kaget. ¹⁵ Kaba Jisösgörej kaŋgota eketka azi öme kambuŋambuknön malöhañön mönö opo sileötani törörök jöhöba tata uruñi amöriiga imbi mötmötñi pakpak asuhuiga eka awöwöliget. ¹⁶ Kingetka bau mi denöwö geba kömugeri aka azi ömeŋambuk yaŋgöreñ yuai asuhuyöhi, mi ekerañön kösohot yahöt mi jiget mötket.

¹⁷ Möta kinda Jisösnön mindimindiri sel gölmeñini mosöta anmapkö ulet waŋgiget.

¹⁸ Ulet waŋgigetka mosöta waŋgenön öngömangöra ahiga azi ömeŋambuk malöhañön kaba Jisösbuk mohotñe anda malmamgöra qesiyök.”

¹⁹ Qesiyökmö, Jisösnön qetal waŋgiba kewö jii mörök, “Gi mönö mirige anda tinitosolomurupki eŋgeka Kembunön aŋgöletot ketani aka ak-kömum gihiyöhi, mi aŋgö kösohotñi jinönga mötme.”

²⁰ Mewö jiiga mosöta anda Jisösnön aŋgöletot ketani ketani ak waŋgiyöhi, mi aŋgö keuñi könahiba Ten-taon distrik uruñe jim sehiiga köreñan welipköget. Mewö.

Jairusnön böratñangöra Jisös köuluköyök.

Mat 9.18-26; Luk 8.40-56

²¹ Jisösnön waŋgenön öngöba lilingöba aŋgö kutuba likepñe kaiga ambazip kambu gwötpukñan yaŋgöreñ kaba tokogetka aŋgö jitñe kinget.

²² Kingetka köuluk mirigö keu galöm kun qetñi Jairus yañön kaba Jisös eka wösöñe geba simin köl waŋgiyök. ²³ Simin köl waŋgiba kapan köla köuluköba kewö jiyök, “Böratni moröñan mönö

kömumangö akza. Mönö kaba börögi qakne alnönga ölöwaka toroqeba malma.”

²⁴ Mewö jiba Jisös wangiriga mohotne anohotka ambazip kambulelembe yeñön andöñire anda ölöqölököba liliköm etkiba anget. Mewö.

Kawöl ambi kunöñ Jisösgö malukuñi misiriyök.

²⁵ Angetka miangöreñ sutñine ambi kun malök. Yañön (yara) yambu 12:gö dop köiñnöñ ehiga nalö dop kawöl yöhöiga malök. ²⁶ Mewö mala sihimbölö gwötpuk möriga sile galöm gwötpukñan yañgö nup megetka baukbauk kun kude miwikñaiba malök. Yañön sile galöm ambazip yeñgö töwañinañgöra moneñ inapñi körek gila malökmö, kawölñi mi-añön mönö mem bölim wañgiiga malök. ²⁷⁻²⁸ Mewö mala Jisösgö buzupñi möta kewö jiyök, “Nöñön i os-eimangö möt lömböriba malukuñeyök borom kun misiribileñak ewö, mönö ölop ölöwakñam.” Mewö jiba ambazip kambu sutñine Jisösgö andöñe anda malukuñe misiriyök.

²⁹ Misiriiga sepñi miangöreñök jöpköiga qemjem-mamjenñan qahöwahiga silenñan ölöwahiga mörök. ³⁰ Ölöwahiga Jisösnöñ miangöreök ösumñi kun kutuba anöhi mi möta ambazip kambu sutñine lilingöba jiyök, “Dañön malukuni misiriza?”

³¹ Mewö jiiga gwarekurupñan kewö jiget mörök, “Ambazip kambunöñ ölököba liliköm gihiba go-seize. Mi eka denöwö ‘Dañön nömisiriza?’ jizan?”

³² Mewö jigetmö, Jisösnöñ kunbuk “Dañön mi akza?” jiba mi miwikñaimangöra lilingöba uba engehök. ³³ Engehiga ambi silene angöletot asuhuyöhi, yañön mi möta miangöra kenğötñi

möta jönömni unduiga kaba Jisösgö wösöne geba simin köla könani pakpak jiiga mörök. ³⁴ Jisösnöñ mi möta kewö jii mörök, “Böratni, mötnaripkan mönö mem ölöwak gihiza. Qemjem-mamjenan mönö qahöwahiga ölop urubönjönñöñ anman.” Mewö.

Jisösnöñ Jairusgö böratni mem guliyök.

³⁵ Keu mewö jiba kiniga köuluk mirigö keu galömñangö mireyök kunñan welen kaba Jairusgöra jiyök, “Böratki kömuza! Mianğöra böhigö qakñe lömböt toroqeba kude alman.”

³⁶ Jiiga Jisösnöñ keu mianğö nönöñgan aka köuluk mirigö keu galömni kewö jii mörök, “Keñgötki kude mötnöñ! Mönö ni möt narim niñginöñ.” ³⁷ Mewö jiba ambazip tosatni enğömosöta Pitö, Jeims aka Jeimsgö munñi Jon miyök enğuanğiri i wuatangöba anget. ³⁸ Anda köuluk mirigö keu galömñangö mire angotketka ambazip kambu göju megetka enğehök. Gwötçükñan jinğen köla köhöikñanök sahöta amburereñ meget. ³⁹ Enğeka mire öngöba kewö jii mötket, “Inini mönö wuanöñgöra göju memba sahötze? Morö mianğön qahö kömuzapmö, gaunök ahöza.”

⁴⁰ Mewö jii mötket gönahit ewö aiga gön köl wanğigetmö, yañön i körek enğuatangöba morögö iwinamni aka tosatni yambuk malgeri, miyök enğuanğiriga morönöñ ahöyöhanğoreñ öngöget. ⁴¹ Öngögetka börat mi böröñe memba yañgöra jiyök, “Talita kum.” Mi nanine keunöñ Ambi moröñi, ni göhöra jizal: Mönö wahötnöñ!

⁴² Mewö jiiga ambi (yara) yambuñi 12 mianğön mönö mianğöreñök wahöta kinda anda kayök.

Mewö aiga eka kesötņini yöhözömgöba welipköget.
⁴³ Welipkögetka miangö buzupņi kun jiget
 mötpepekö jiba soņgo köhöikņi al enģiyök. Al enģiba
 ambi moröņi numbu nene waņgiget nemapkö
 jiyök. Mewö.

6

Nazaret yeņön Jisös andö qeget.

Mat 13.53-58; Luk 4.16-30

¹ Mi asuhuiga Jisösnöņ Jairusgö miri gölme
 mosoriga gwarekurupņan wuatangöba yambuk
 anda Jisösgö malqarip taonön anģotket. ² Sabat
 kendonöņ kaiga köuluk mire öņgöba Buņa keu
 könahiba kusum enģiyök. Kusum enģiiga möta
 ambazip gwötpukņan auruba welipköba kewö
 jiget, “Yei, kezapjupjup! Yuai pakpak ki mönö
 denikeyök möta jiza? Mötkutukutuņi mi mönö
 daņön kusum waņgiiga jiza? Aka anģoletot
 kukösumņinambuk mewöņi mi mönö daņön inahöi
 böröņan meiga asuhuze? ³ Azi ki mönö miri
 kianģö mitimqeqe azia. Mariagö nahönņi aka
 Jeims, Josef, Juda aka Saimon yeņgö datņina.
 Nenurupņan mönö sutnine ki malje.” Nazaret
 yeņön mewö jigetka uruņinan böliiga miangören
 qaköget.

⁴ *Qakögetka Jisösnöņ kewö jii mötket, “Keza-
 ppetok azigö sepkitip aka tinitosolomurupņan
 mönö nanņi taonöņ jijiwilit ak waņgimakzemö,
 miri tosatņi miangören mewö qahö.

⁵ Mewö akeranģöra Jisösnöņ kawöl ambazip
 mohot mohot böröņi qakņine ala mem ölöwak

* **6:4:** Jon 4.44

engiyökmö, aᅅgöletot kukösumᅅinambuk tosatᅅi memamgö osiyök. ⁶ Mewö ahiga mötnaripᅅinan qahö asuhuiga yangiseᅅinaᅅgöra aka auruyök. Auruba Nazaret mosöta kösutᅅe miriᅅi miriᅅi liliköba Buᅅa keu kusum eᅅgiba malök. Mewö.

*Jisösnöᅅ gwarekurupᅅi 12 melaim eᅅgiyök.
Mat 10.5-15; Luk 9.1-6*

⁷ Jisösnöᅅ gwarekurupᅅi 12 mi eᅅgoholi kagetka könahiba yahöt yahöt pakpak melaim eᅅgiyök. Melaim eᅅgiba ömewöröme közöl eᅅgimegö kukösumᅅi eᅅgiyök. ⁸ *Mi eᅅgiba kewö jim kutum eᅅgiyök, “Köna anmeaᅅgöra öropᅅini memba anme. Yuai tosatᅅi kun kude meme. Köna nalem qahö, gösö qahö me soujeᅅi mi irimuᅅgaᅅine kude jöhöme. ⁹ Köna esu ölop könaᅅine jöhöba maluku semönᅅi qahöpmö, mohot meme.” ¹⁰ Mewö jiba kewö jii mötket, “Anda miri denike denike aᅅgotmei, mönö miaᅅgöreᅅök mala nup memba taon mi mosöta köna anme. ¹¹ *Anda mala miri kunöᅅ aᅅgotketka qahö köl örom eᅅgiba keuᅅini qahö mötketka nesampurekᅅini mönö kewö jiba kondel eᅅgime, ‘Nini eᅅgö gölmenöᅅ kainga sölbuham köna tambönine mekötahözawi, mi mönö tim töᅅjöraringa nanᅅine liliᅅgöba gema.’ Mewö jigetka könaᅅamᅅini solanᅅi möt kutugetka ölop miri me taon mi mosöta toroqeba anme.”

¹² Mewö jiiga mosöta anda ambazip uruᅅini melenᅅmegö Buᅅa keuᅅi jim sehiba malget. ¹³ *Mala öme gwötpuk eᅅguataᅅgöba kawöl

* **6:8:** Luk 10.4-11 * **6:11:** Apo 13.51 * **6:13:** Kemb 5.14

ambazip gwötpuk kelöknöŋ engömiriba mem ölöwak enjiget. Mewö.

Kiŋ Herodnöŋ kenğötŋi mörök.

Mat 14.1-12; Luk 9.7-9

14 *Jisösgö qetbuŋaŋan sehiba kiŋ Herodkö kezapŋe gei mörök. Ambazipnöŋ kewö jiget, “Jon o melun azinöŋ mönö kömupnöhök wahöta nupŋi meiga anğöletot kukösumŋinambuk asuhumakze.”

15 Mewö jigetmö, tosatŋan kewö jiget, “Mi mönö Elaija (Elia)” Tosatŋan toroqeba jiget, “Mi kezapqetok azi walŋi yeŋgöreŋök kun.”

16 Mewö jigetmö, kiŋ Herodnöŋ mi möta kewö jiyök, “Jon o melun azi nöŋön jibi jölŋi kutugeri, yaŋön mönö kömupnöhök wahöta malja.” Waimanjat möta Mewö jiyök.

Jongö jölŋi kutugetka kömuyök.

17 *Mi kewögöra jiyök: Herodnöŋ munŋi Filipkö anömŋi Herodias ölöŋ meiga Jon o melun azinöŋ kiŋ jim waŋgiiga opotöröp melaim enjiiga anda Jon memba jöhöba kösö mire al waŋgiget. 18 Jonöŋ Herodköra keu kewö jiyök: Gi qamböt ki memba mala Köna keu oŋgitzan.”

19 Mewö jiiga Herodiasnöŋ Jon kazik ak waŋgiba qeget kömumapkö mörökmö, miangö könaŋi kun qahö miwikŋaiyök. 20 Qahö miwikŋaiba Jonöŋ azi solanŋi aka sarakŋi töröŋi ahöhi, mi möta sel jöhöba kölközizip ak waŋgiba Jongöra kenğötŋi möta malök. Mewö mala Jongö jitŋeyök keu möröhi, mi uruŋi kuŋgugetka keu gwötpuköra uruyahöt ahök.

* **6:14:** Mat 16.14; Mak 8.28; Luk 9.19 * **6:17:** Luk 3.19-20

Mi töndup töndup Jongö keunji mötmamgö sihim mörök.

²¹ Mewö aiga Herodiasnön Jon qemamgö könäni qahö miwikñaiba maliga miangö nalöni ölopni kewö kam kunḡuyök: Kiḡö ahuahu nalönan kaiga közölömbuan ala jembon aka suahö galömurupni aka Galili prowinsgö jitnememe bohonni mi köl öröm, enḡiiga kaba tatket. ²² Kaba tatketka Herodiasgö böratnan miri miangö uruḡe kaḡgota danis aliga Herod aka yambuk tebol liliköba tatkeri, yeḡön miangö eksihimni gwötpuk mötket. Mewö mötketka kiḡnön ambi seramgöra kewö jiyök, “Böratni! Wani yuaigöra sihimgi mötzani, mi ölop qesinöḡa tököm gihimam.” ²³ Mewö jiba keu mi jöjöpän keunön jim köhöiba kewö jii mörök, “Wani yuaigöra qesim niḡimani, mi mönö ölop gihimam. Yuai mi me mi me prowins galöm kölakzali, mi tok ölop endenḡa likepni kun gihibiga galömni akḡan.”

²⁴ Mewö jii möta yaigep anda namni kewö qesim waḡgiyök, “Namni, ni mönö Kiḡnön wani yuaiya niḡimapköra qesimam?”

Mewö qesim waḡgiiga kewö melenök, “Mönö jinöḡa Jon O-melun azigö jölḡi yandigetka nöropni memba kaba niḡiman.”

²⁵ Mewö meleniga miangörenök miri uruḡe kiḡkiḡgöba kiḡören öḡgöba kewö qesiba jiyök, “Kewöni! Nönön sihimnan kewö mötzal: Göḡön mönö jimkutunöḡa Jon O-melun azigö jölḡi yandiba nöropni memba kaba köndenön algetka mia döldöpki niḡiman.”

²⁶ Mewö jiiga kiḡö uruḡan kömbuhiiga wösöbirik mörökmö, jöjöpän keuḡan jöhöi ketaurupnan

mi mötketka yenğö jemesoholıne etpapuköra qequesiñi andö qemangö möt lömbörība tököyök. ²⁷ Tököba miangörenök opotöröpñi kun melaiba jiyök, “Gi mönö anda Jongö jölñi yandiba nöröpñi memba kaman.” ²⁸ Mewö jiba melaiiga kösö miri gwaröñe anda jölñi yandiba nöröpñi memba kaba köndenöñ ala ambi seram mi wañgiiga namñi wañgiyök. ²⁹ Jongö gwarekurupñan miangö buzupñi möta anda qamötñi memba qaksirigö köt köteñnöñ ala löm kölget. Mewö asuhuyöhangöra kiñ Herodnöñ könañgep Jisösgöra jiyök, “Jonöñ mönö kömupñöhök gulība wahöta malja.” Mewö.

Jisösnöñ azi 5000 nene gumohom enğiyök.

Mat 14.13-21; Luk 9.10-17; Jon 6.1-14

³⁰ Melai melai azi Aposol yenön Jisösgören kaba tokoba yuai memba ambazip kusum enğigeri, miangö kösohotñi pakpak jiget mörök. ³¹ Jiget möriga ambazip totnöñ totnöñ qösösök kaba anda aketka silenini köñgañiiga nene nemingö nalö qahö ahöyök. Miangöra Jisösnöñ gwarekurupñi kewö jii mötket, “İñini mönö kaba gölme kötikñe naninök malbingöra anda borom kun luhut meme.” ³² Mewö jiiga enğömosöta wañgenöñ öñgöba gölme kötikñi kungen nanñinök malbingöra anget.

³³ Angetka ambazipnöñ mi eka gwötpukñan miangö buzupñi möta taon aka miri dop miengörenök gölme köna kiñkiñgöba mutuk anda miangören angotket. ³⁴ *Angotketka Jisösnöñ wañgenöhök eta ambazip kambu ketañi enğehiga

* **6:34:** Jan 27.17; 1 Kiñ 22.17; 2 Hist 18.16; Eze 34.5; Mat 9.36

lama galömnini qahö tandök ilingösöñ lan malgetka yeñgöra wösöñi mörök. Wösöñi möta könahiba Buña keu könañi könañi kusum enñiyök. Mewö.

Jisösnöñ azi 5000 nene gumohom enñiyök.

³⁵ Mewö aka maliga miri jeñan teköba gemamgö ahiga gwarekurupñan Jisösgöreñ kaba kewö jiget, “Böhi! Nini gölme kötikñi kiangöreñ malinga miri lök söñaumamgö akza. ³⁶ Miangöra gi ölop ambazip ki melaim enñinöñga miri aka koum dowe dowe tat anjei, miangöreñ anda numbu nenenini söñgörüñi memba neget.

³⁷ Mewö jigetmö, kewö melenđa jii mötket, “Enön mönö nanñinak i nene gumohom enñime.” Mewö jiiga jiget, “Neñön mönö denöwö akinto? Nup meme nalö 200:kö töwañi (Kina 1000,-) ahöza. Monen mia memba anda nene beret söñgörüñi memba gumohom enñibingöra jizan me?”

³⁸ Mewö qesim wangigetka jiyök, “Nanñine nene beret dawik ahöza? Mi anda eket.” Mewö jiiga gösöñini qeañda jiget, “Beret 5 aka söra yahöt mia memba maljin.”

³⁹ Mewö jigetka Jisösnöñ ambazip kambu kewö jim kutum enñiyök, “Ambazip pakpak, inini mönö deñda nene nemingö kambu morömorö tokoba luplup görökñe geba tatket.” ⁴⁰ Mewö jim kutum enñiiga kambuñi kambuñi dowe dowe deñda tatket. Kirip tosatñi 100 aka tosatñi 50 mewö mewö tokoba tat anget. ⁴¹ Tat angetka beret 5 aka söra yahöt mi memba Suepnöñ ui öngöiga kötuatköba beret mindipköba gwarekurupñi enñiiga ambazip kirip dop mendenđa sutñine

alget. Söra yahöt mi mewöyöhök kambu pak-pak yeṅgöra mendeṅnök. ⁴² Mendeṅniga ambazip körekmakörek nemba nem timbireṅ aket. ⁴³ Nem timbireṅ aka nene kitipṅi kitipṅi mosötkeri, mi gwarek yeṅön qezakögetka sakap 12 miangöreṅ geba kokolak qeyök. Mewöyök söra kitipṅi mi mem kiripköget. Mewö. ⁴⁴ Azi beret neger, yeṅgö jaṅgöṅini mi 5000.

*Jisösnöṅ o aṅgö qakṅe tiba tiba anök.
Mat 14.22-33; Jon 6.15-21*

⁴⁵ Neget teköiga Jisösnöṅ miangöreṅök gwarekurupṅi jim kutum eṅgiba kewö jiyök, “Injini mönö waṅgenöṅ öṅgöba qeljiṅe o aṅgö kutuba likepṅe Betsaida mire anme. Nöṅön ölop nalö sutṅe ambazip kambu ki melaim eṅgibagun kamam.” ⁴⁶ Mewö jiba yaizökzök jim eṅgiba eṅgubula kunduje öṅgöba köuluköyök. ⁴⁷ Köuluköba mali mare ahiga nanṅik kötikṅi kunduje maliga waṅgeṅinan aṅgö bibiṅe anök. ⁴⁸ Ani lökuatnöṅ qeba qem bibihiba naṅgöget aniga luhutnöṅ angeraṅgöreṅök gila kai lömböriiga bömbömgöget. Miri awöraṅgöiga (3-6 kilok) miangöreṅ Jisösnöṅ mewö eṅgeka o aṅgö qakṅe tiba tiba gwarekurupṅi yeṅgöreṅ Kaba eṅgoṅgitmamgö ahök. ⁴⁹ O aṅgö qakṅe tiba tiba kaiga eka “Köwet Songoriṅnön kaza!” jiba könahiba qeta silatket. ⁵⁰ Qeta silata körek i eka keṅgötporiṅ aketmö, Jisösnöṅ miangöreṅök keukeu jiba kewö jii mötket,

“Alaurupni! Mönö ewebibiṅinambuk saitṅgit malme. Nanak kazal. Keṅgötṅini kude mötme.”

⁵¹ Mewö jiba yeṅgöreṅ waṅgenöṅ öṅgöiga luhutnöṅ

nöŋ qeba göröŋ alök. Göröŋ aliga jönömŋini undi önöŋi qahö auruget. ⁵² Mutuk beret mem sehiba gumohom enġiyöhi, miangö könaŋi qahö möt asarigetmö, uruŋinan gwözöŋniga tok auruba tatket. Mewö.

Jisösnöŋ Genesaret mala mem ölölowak nup meyök.

Mat 14.34-36

⁵³ O aŋgö kutuba likepŋe Genesaret mire aŋgota waŋge mosöta saknöŋ geget. ⁵⁴ Waŋge mosöta Saknöŋ gegetka ambazipnöŋ Jisös miangöreŋök möt kutum waŋgiget. ⁵⁵ Möt kutum waŋgiba keu algetka kiŋkiŋgöba mindimindiri sel gölmeŋine miri dop liliköget. Lilikögetka möta könahiba kawöl ambazip kululunöŋ aŋgum enġiba Jisösnöŋ miri denike malohaŋgö dop enġuaŋgita kaget. ⁵⁶ Miri dop, taon, miri me koum kungö uruŋe anohaŋgö dop kawöl ambazip enġuaŋgita sombemeŋine al enġiget. Al enġiba silenje me Jisös malukuŋaŋgö suŋe misiribingö ulet waŋgiba malget. Misirigeri, körek yeŋön mönö ölowak teköget. Mewö.

7

Ambösakon yeŋön keu kusum sohoget.

Mat 15.1-9

¹ Köna keugö kapaŋkölköl aka miangö böhi tosatŋi Jerusalem sitinöhök kageri, yeŋön Jisösgöreŋ kaba tokoget. ² Nalö miangöreŋ Jisösgö gwarekurup tosatŋan böröŋini kude saŋgoŋda dom amöt qahö qeba nene negetka enġeka uruŋini böliyök.

³ Farisi (Köna keugö kapaŋkölköl) aka Juda ambazip tosatŋi pakpak yeŋön ambösakon yeŋgö silikŋini wuatangöba malget. Miangöra böröŋini mutuk saŋoŋ soroköbagun nene nemalget. ⁴ Mewöyök nupnöhök me maketnöhök kamei, mutuk o utuba arim tönjoratagun nene misirimalget. Mewöyök kiwi qambi, közökimbut aka jout pakpak mi saŋoŋda amöt qemalget. Silik mewöŋi mewöŋi mi gwötpuk wuatangöba malget.

⁵ Miangöra Köna keugö kapaŋkölköl aka miangö böhi yeŋön Jisös kewö qesim waŋgiget, “Göhö gwarekurupkan wuanöngöra ambösakoninaŋgö silikŋini qahö wuatangöba böröŋini domamöt qahö qeba töndup nene neze.”

⁶ *Mewö qesim waŋgigetka kewö jii mötket, “O urumelengö silesile ambazip, kezapqetok azi Aisaianöŋ mönö engö könaŋamŋini törörök indela Buzup Kimbi kun kewö ohoi ahöza,

‘Ambazip kambu kianön mönö numbu jitŋinan
ölöpŋanök göda qem niŋgimakzemö,
uruŋinan nönöŋgan ak niŋgiba kungen
algetka köröwen ahöza.

⁷ Mewö ahöiga nöŋgö waikni öne töhön memba möpöseim niŋgimakze.

Köna keu kusum engibin, jiba salupŋe ambazip yeŋgö jimkutukutuŋini mi numbu o alakze.’

⁸ Aisaianöŋ mewö ohoyök. Inini mönö miangö dop Anutugöreŋ jöjopaŋ keu andö qeba ambösakonŋinaŋgö silikŋi wuatangömakze. Mi qahö dop kölja.”

* 7:6: Ais 29.13

⁹ Mewö jiba kewö jiyök, “Nanñini silikñini walñi wuatangöbingöra mönö ölöpnanök Anutugören jöjöpañ keu qeapkömakze. ¹⁰ *Miangö keuñi kun kewö: Mosesnön kewö jim kutuyök, ‘Iwinamgi mönö göda qem etkimakñan,’ aiga ‘Kunñan iwinji me namñi qesuahömawi, i mönö qegetka kömuma.’ ¹¹ Mewö jim kutuyökmö, inñi keu mi ongita kewö jimakze, ‘Kunñan iwinamñi yetköra kewö jima. Wösöni mötzal. Nöngö nanğonanğö yuaini buña qem angubahorak, mi lök Anutugö dançe tahaya albi ahöza. Mi saiwap naluköra kewöta albi ahöza. ¹² Kunñan mewö jiiga dop kölma.’ Mewö jiba jöhöm wanğigetka iwinamñi yetköra baukbauk kun qahö toroqeba etkimakña. Mi qahö dop kölja. ¹³ Yei! Mewö aka nanñini ahakmemenjanğö silikñini jim kutuba mianğön Anutugören jöjöpañ keu utala omanji aka pömsöm qemakza. Inñi yuai mewöñi gwötpuk ahakze.” Mewö melenğ enğiyök. Mewö.

Azi uru mi denöwö tölohoba lantiza?

Mat 15.10-20

¹⁴ Jisösnön ambazip kambu kunbuk enğoholi kagetka kewö jii mötket, “Inñi mönö körek keu ki kezap ala möt asarime. ¹⁵ Azi yaigepñeyök yuai uruñe gemakzawi, mianğön mönö tölohom wanğimangö osimakzapmö, nanñi urukönömñeyök keu kota erakzawi, mianğön mönö tölohom wanğimakza. ¹⁶ Kunñan kezapñambuk malja ewö, yanğön mönö keu ki kezap ala möt kutuma.” Mewö.

¹⁷ Jisösnön mewö jiba ambazip kambu enğömosöta anda miri kunön öngöyök. Öngöba

* **7:10:** Eks 20.12; 21.17; Lew 20.9; Dut 5.16

tariga gwarekurupñan dopkeu mianğö kōnañğōra qesiget. ¹⁸ Qesigetka kewō jii mötket, “O alaurupni, iñini mewōyök mötmötñini ölöñji qahō akze me? Nene yuai azi yaigepñeyök uruñe gemakzawi, mi tölohom wañgimamğö osimakza. Mi möt kutuze me qahō? ¹⁹ Mi urukönömñe qahō gemakzapmō, kömgokñe geba yaigep erakza.” Jisösnöñ keu mewō jiba mianñon “Numbu nene pakpak mem sarahim tekōyök.”

²⁰ Jisösnöñ toroqeba kewō jiyök, “Azi urukönömñeyök keu kota erakzawi, mianñon mönō tölohom wañgimakza. ²¹ Ambazip uru könömñineyök yuai kewōñji asuhaba korakza: Keu bölöñji mötmöriba serowilin akingö mōrakze. Yoñgorō memba suña jinañ memba ambazip enğuget kömumegö mōrakze. ²² Qesabulum akingö mōrakze. Membagu membingö nepaqepalok köpösöñğömakze. Bidañda gatmisimisi, jiliwitiñ aka isimkakalek akingö mōrakze. Lösö jiba urupik akingö mōrakze. Kezapjupjup aka körögisigisi akingö mōrakze. Söñgöröqök mala andöqeçe keu yöhösañ jiba Anutu mepaiköbingö mōrakze. Jakbak-örañbörañ aka uruqahō ahakze. ²³ Yuai bölöñji pakpak mianñon mönō ambazip uru könömñineyök kota ambazip tölohom enğimakza.” Mewö.

Kenan ambi kunñan kapañ köla köuluköyök.

Mat 15.21-28

²⁴ Jisösnöñ wahöta Genesaret gölme mosöta siti qetñiri Taiö aka Saidon mietkö distrik qetñi Fonisia mianğö uruñe anök. Anda miri kunöñ öñgöba buzupñi kunñan mötpapuköra numbuñini

muhungöyökmö, töndup tölapne malmamgö osiyök. ²⁵ Osiiga miangöreñök ambi kun böratñi moröñan ömeñambuk maliga Jisösgö buzupñi möta yangöreñ kaba könañe geba simin kölök. ²⁶ Ambi mi Judaya qahöpmö, Grik keu jiba malök. Iwinamñan Siria prowinsgö Fonisiagöra. Yañön böratñangö uruñeyök öme közölmaköra ulet wañgiyök. ²⁷ Ulet wañgiiga kewö jii mörök, “Juda nini mutuk nanine nahönböraturopnini gumohom engiinga bikñi enguma. Miangöra morö yeñgö miriñineyök beret memba kiam engiinga qahö dop kölwapuk. Juda nini kianurup enjö qetñini kiam qerakzin. Nöñön mutuk Juda ambazip bauköm enjibiga kantri tosatñi enjön mönö kiamgö dop mamböta malme.”

²⁸ Mewö jii möta kewö meleñnök, “Kembu, mi ölop mötzalmö, kiam moröñi yeñön mönö mewöyök morö yeñgöreñ nene boromñi tebol bapñe eriga nemakze.”

²⁹ Mewö meleñniga Jisösnöñ kewö jii mörök, “Keu mewö jizanañgöra ölop möt gihizal. Öme mianjön mönö döлки böratki mosöta anja. Miangöra ölop anman.”

³⁰ Mewö jii möta miriñe ani ömenöñ böratñi mosöriга dumñe ahöiga ehök. Mewö.

Jisösnöñ azi kun möhamgöyök.

³¹ Jisösnöñ kunbuk Taiö siti gölme mosöta Saidon sitinöñ anda ongita mösököba Ten-taon gölmegö bibiñi ongita Galiligö o añgö kösutñe kayök. ³² Kaiga kezapduhup azi kun keuñi qahöwakñapköra ahöhi, mi wañgita Jisösgöreñ kaget. Kaba böröñi nöropñe almapköra qesim

wanɣiget. ³³ Qesim wanɣigetka azi mi wanɣita ambazip kambu mosöta kungen anohot. Anda Jisösnöŋ börö suapŋi kezapŋe ala kinda kunbuk nanŋi börö suapŋe söutköba nesilamŋe misiriyök.

³⁴ Misiriba suepnöŋ ui öŋgöiga osonɣombuk köuluköba nanŋe keunöŋ “Efata,” nanine keunöŋ Tohonöŋ! mewö jiyök.

³⁵ Mewö jiiga kezapyahötŋan tohoyohotka nesilamŋan lolohoiga keuŋi ölopŋanök jiyök.

³⁶ Jiiga Jisösnöŋ mianɣö buzupŋi ambazip jiget mötpepuköra qetal enɣiyök. Qetal enɣiba kapan köliga yeŋön mi kapan köla jim sehiba malget.

³⁷ Jim sehiba malgetka ambazipnöŋ kamböŋda welipköba kewö jiget, “Yuai pakpak ölopŋanök ahakza. Kezapduhup kezapŋini metohoiga mötketka ambazip mötökŋi yeŋgö nesilamŋini pösariga keu jimakze.” Mewö.

8

Jisösnöŋ ambazip 4000 nene gumohom enɣiyök.

Mat 15.32-39

¹ Nalö mianɣöreŋ ambazip kambu ketanŋan dumŋe kunbuk tokoget. Nenenini qahö malgeranɣöra Jisösnöŋ gwarekurupŋi enɣoholi yanɣöreŋ kagetka kewö jii mötket, ² “Nöŋön ambazip kambu kiɣŋöra wösöni mötzal. Yeŋön nöŋöreŋ kaba wehön karöbut lök mala kotketka nenenini qahöwahiga ekzal. ³ Yeŋgöreŋök tosatŋan köröwenök kaba malgetka nöŋön ‘Ölop mirinŋine anme,’ jibi nene qahö negetka öne melaim enɣibiga könanöŋ anda mala kambaŋe jeŋini gili tirinbirin akepek.”

⁴ Mewö jiiga gwarekurupñan melenḁa kewö jiget mörök. “Gölme qararañkölkölñe kianğoreñ kunñan mönö denikeyöhök numbu nene mewöñi mi mönö miwikñaiba kambu ki gumohom enğibawak?”

⁵ Mewö möta kewö qesim enğiyök, “Enğoreñ beret dawik ahöza?” Qesim enğiiga “Beret 7 ahöza,” jiget.

⁶ Jigetka Jisösnöñ ambazip kambu mi gölmenöñ geba tatmegöra jim kutum enğiiga geba tatket. Geba tatketka beret 7 mi memba Anutugö saiwap jiba mindipköba gwarekurupñi enğiba ambazip kambu dop sutñine almegöra jiyök. Mewö jiiga mianğö dop alget. ⁷ Yenğoreñ söra morömorö tosatñi mewöyök ahöyök. Mi tok memba kötuetköba ambazip kambu dop sutñine toto qem enğimegöra jim kutuyök. ⁸ Jim kutuiga enğiget nemba nem timbireñgöget. Nem timbireñgöba nene kitipñi mosötket geyöhi, mi sakap 7 mianğoreñ qezakögetka numbuñe qeyök. ⁹ Azi nene negeri, yenğö jañğöñi mi 4000. Negetka melaim enğiiga miriñine anget. Mewö.

Böhi tosatñan anğöletot ekingöra kapan kölget.

Mat 16.1-4

¹⁰ Angetka mianğoreñök gwarekurupñi yembuk wañgenöñ öñgöba distrik qetñi Dalmanuta mianğoreñ anget.

¹¹ *Farisi (Köna keugö kapankölköl) tosatñan mianğoreñ kaba Jisösbuk könahiba jitnakölik aket. Keu bötaknöñ örömapköra esapköm wañgiba kewö kapan köla qesiget, “Mönö jinöñga Suepnöhök anğöletot kun asuhuiga ekin.”

* **8:11:** Mat 12.38; Luk 11.16

12 *Mewö jigetka uruñan lömböriiga osongombuk qeiga jiyök, “O ambazip nalö kewöñe gölmenöñ maljei, inñini mönö wuanöñgöra Anutugö aiwesök asuhumapköra kapañ kölakze? Nöñön keu ölnji kun kewö jibi mötme: Anutunöñ aiwesök mewöñi mi qahö memba kondel ençgima. Ombañ saumbañ!”

13 Mewö jiba ençgömosöta kunbuk gwarekurupñi yembuk wañgenöñ öñgöba angö kutuba likepñe añgotket. Mewö.

Farisi aka Herod yeñön wösökömbuk ewö akze.

Mat 16.5-12

14 Miançgöreñ añgota semön membingö ölum ençguiga beret mohot-töp mia wañgenöñ memba tatket. 15 *Tatketka Jisösnöñ kewö jim kutum ençgiyök, “Inñini Köna keugö kapañkölköl (Farisi) yeñgö wösökömbukñini aka Herodkö gipmi kakñi mietköra mönö galömñini meme. Mi ölöpñañök qahö kewöta andö qegetka mietköñ mönö yist ewö qariba mem bölim ençgimahot.”

16 Jiiga keu pasetñi mi qahö möt asariba sutñine kewö eraum mötket. “Beretnini qahöpköra jiza me denöwö?”

17 Mi eraum mötket kezapñe geiga kewö jii mötket, “Wuanöñgöra beretnini qahö jiba eraum mötze? Nöñgö könañamni mi wuanöñgöra qahö möt kutuze? Mi tok qahö möt asarize me? Urukezapñinan gwözöñda tatza me? 18 *Jeñini ahözapmö, töndup qahö ek kutuze me? Kezapñini ahözapmö, töndup qahö möt asarize me? Yuai asuhuyöhi, mi ölum ençguza me qahö? 19 Nöñön

* **8:12:** Mat 12.39; Luk 11.29 * **8:15:** Luk 12.1 * **8:18:** Jer 5.21; Eze 12.2; Mak 4.12

beret 5 mi 5000 yeŋgöra mindipköbiga mianğö kitipni qezakögetka könde dawiknöŋ geba numbuŋine qeyök?” Qesim eŋgiiga “Könde 12,” jiget.

²⁰ Jigetka toroqeyök, “Nöŋön beret 7 mi 4000 yeŋgöra mindipköbiga mianğö kitipni qezakögetka sakap dawiknöŋ geba kokolak qeyök?” Qesim eŋgiiga sakap 7 jiget.”

²¹ Jigetka jii mötket, “Mianğöra könaŋamni mi mönö tok qahö möt asarize me?” Mewö

Jegömöl azi kun jeŋi metohoyök.

²² Jisösnöŋ gwarekurupni yembuk Betsaida taonöŋ kaget. Mianğöreŋ kaba jegömöl azi kun waŋgita Jisösgöreŋ kaŋgota böröŋan misirimapkö köuluköm waŋgiget. ²³ Köuluköm waŋgigetka jegömöl azi mi böröŋe memba waŋgita miri yaigepŋe anohot. Anda söutnezit jeŋe ala böröŋi nöropŋe ala qesim waŋgiyök, “Yuai kun ekzan me qahö?”

²⁴ Qesim waŋgiiga jeŋi ui öŋgöiga jiyök, “Ambazip eŋgekzalmö, mi ip tandöktandök aketka imutimutŋanök eŋgekiga anda kaba kinje.”

²⁵ Mewö jiiga kunbuk böröŋan jeyahötŋi misiriga tohoyohotka törörök uiga asarim sölölöŋgöiga yuai pakpak ölopŋanök ek teköyök. ²⁶ Ek teköiga melaime waŋgiba kewö jii mörök, “Gi miri kungen kude anmanmö, diŋdiŋanök nangi mirige anman.” Mewö.

Pitönöŋ Jisösgö könaŋi jim miwikŋaiyök.

Mat 16.13-20; Luk 9.18-21

²⁷ Jisösnöŋ Betsaida mosöta gwarekurupni yembuk Sisarea Filipai taongö kösutŋe anget. Könanöŋ

anda gwarekurupñi kewö qesim enġiyök, “Am-bazipnöñ nöñgöra denöwö jimakze? Ni ninjia akzal?”

²⁸ *Jiiga melenġa kewö jiget, “Tosatñan ‘Gi Jon O-melun azia akzan,’ jimakzemö, tosatñan ‘Gi Elaija akzan,’ jimakze aka tosatñan toroqeba kewö jimakze, ‘Gi kezapqetok azi walñi yeñgöreñök kun akzan.’

²⁹ *Mewö jigetka kewö qesim enġiyök, “Aka nanñinak nöñgöra denöwö jize? Ni ninjia akzal?” Qesim enġiiga Pitönöñ kewö melenök,

“Gi Anutugöreñ Amötqeqe Tonji Kraist akzan.”

³⁰ Mewö jiiga könajni aukñe jiget kunñan mötpapuköra soñgo köhöikñi al enġiyök.

Jisösnöñ kömumamgö keunji jiyök.

Mat 16.21-28; Luk 9.22-27

³¹ Jisösnöñ gwarekurupñi könahiba kewö kusum enġiyök, “Suep gölmegö azi ölnan mönö sihimbölö gwötpuk mötma. Kantrigö jitñememe, jike nup galöm aka Köna keugö böhi yeñön mönö andö qeba qegetka kömuma. Kömui wehön karöbut teköiga kömupnöhök wahötma.” ³² Jisösnöñ keu mi qahö köyatiba aukñe jiiga Pitönöñ miangöreñök öröm wañgiba göräñe anda könahiba qetal wañgiyök. ³³ Qetal wañgiiga lilingöba gwarekurupñi uba enġeka Pitö qetala kewö jim wañgiyök, “Gi keu mötmörizani, mi Anutugöreñ keuya qahöpmö, gölme ambazip aka Satangö sihima. Miangöra Satan, gi mönö döлки nöñgö jemesoholneyök kesalnöñ.” Mewö.

* **8:28:** Mak 6.14-15; Luk 9.7-8 * **8:29:** Jon 6.68-69

Kraist wuataŋgöbingö söŋgörüŋi.

³⁴ *Jisösnöŋ ambazip kambu aka gwarekurupŋi eŋgoholi kagetka keu kewö jii mötket, “Kunŋan nöŋgö andöne kamamgö mötzawi, yaŋön mönö nanŋi urusileŋaŋgö sihim kömbönaŋi bölöŋi andö qeiga sisitŋi megetka sihimbölä mi bisimakŋa. Mi maripomnöŋ kömumawaŋgö dop mökösoŋda ni nuataŋgöba kama. ³⁵ *Kunŋan malmalŋi nanŋaŋgöra aŋgön köla nanŋi imbi-imbi maljawı, yaŋön mönö malmalŋi öŋi jöhöi sohoma. Sohomapmö, kunöŋ gölmegö malmalŋi mi ni aka nöŋgö Ölöwak Buŋanaŋgöra aka köleŋda tököm niŋgimawi, yaŋön mönö malmal öŋaŋgö könaŋi miwikŋaıba köhöıba malma. ³⁶ Kunŋan gölmeŋi gölmeŋi miengö öröyuaiŋi pakpak köl öroi buŋaŋi an teköiga uruŋaŋgö malmalŋi mem sohoba silebile mala kömuıga Anutunöŋ keuŋi jim teköiga uŋaŋan ayuhııga qahö dop kölma. Sukinapŋi miaŋön mönö urusösöŋgai qahö ak waŋgıma. Qahöpmaöhöp! ³⁷ Körek neŋön mönö bohonini jöhöbingö osıbin. ³⁸ Ambazip kambuŋi kambuŋi nalö kewöŋe gölmeŋöŋ qesabulum aka siŋgisöndök tosatŋi aka malakze. Kunŋan yeŋgö sutŋine nöŋgö qetni aka Buŋa keuni memba et aljawı, mi Suep gölmegö azi öŋan mewöyök ehöröŋ kölma. Yaŋön könaŋgep Suep garata töröŋi yembuk ki etketka Iwiŋaŋgö asakmararaŋi eka aurugetka yaŋön azi me ambi mewöŋi mönö ehöröŋ köl waŋgıma.” Mewö.

* **8:34:** Mat 10.38; Luk 14.27 * **8:35:** Mat 10.39; Luk 17.33; Jon 12.25

9

¹ Mewö jiba kewö jii mötket, “Nöñön keu ölni kun kewö jibi mötme: Kiañgöreñ kinjei, engö sutñineyök tosatñan Anutunöñ bemtohoñi kuñguiga kukösumñan asuhumawi, mi ek kutume. Jebuk mala kömupkö sihimbölöñi qahö mötketka asuhum tinjiriga ekñe.” Mewö.

Jisösgö sileñe letotqetot ahök.

Mat 17.1-13; Luk 9.28-36

² *Wehön 6 teköiga Jisösnöñ Pitö, Jeims aka Jon enjuañgita ambazip engömosöta nanñinök kundunji köröpñi kunöñ öngöba kötikñe malget. Mianjöreñ malgetka jemesoholñine kiniga Jisösgö sile tandökñan letota murutñi ahök. ³ Malukuñan tuat lalamñi asakmararañambuk ahök. Gölmenöñ opo tuatñi saipenöñ (omo bliz) sanjoñmakzei, mönö mi onjita tuariyök. ⁴ Mewö aiga Elaija aka Moses yetköñ asuhum enjiba Jisösbuk keukeu jiget. ⁵ Jigetka Pitönöñ könahiba keu jiba Jisösgöra kewö jiyök, “Ketañamnini! Neñön kianjöreñ uruölöwak mötzin. Mianjöra neñön ölop kum karöbut qebin: Göhö kun, Mosesgö kun aka Elaijagö kun.” ⁶ Gwarek yeñön jönömñini gwötpuk unduiga Pitönöñ “Denöwö jimam,” jiba keu jaruyök.

⁷ *Keu jaruba kiniga unuñunuñ tuat lalamñi asakmararañambuk kunöñ eta aumñan esuhum enjiiga mianjö uruñeyök qet kun kewö eriga mötket, “Azi ki nani wölböt nahöna akza. Mönö yañgö keunji möta malme.” ⁸ Keu mi möta könöpuk

* **9:2:** 2 Pitö 1.17-18 * **9:7:** Mat 3.17; Mak 1.11; Luk 3.22

lilingöm purik um jaruba tosatnji kunbuk qahö etkeketka Jisösnöñ nanñök yembuk kinök. Mewö.

Jon O-melun azi mi Elaijagö salupñi akza.

⁹ Kunduneyök etketka Jisösnöñ sörökñi mianğoreñ kewö jim kutum enğiyök, “Inini yuai ekzei, mianğö buzupñi mi mönö ambazip kun kude jiget mötme. Suep gölmegö azi ölñan kömupnöhök wahöriga mianğö andöñe mi ölop jim asariba malme.”

¹⁰ Mewö jim kutum enğiiga gwarekurupñi karöbut yeñön keu mi urunine anğön köla “kömupnöhök wahötwahötkö” könañi mi nanñini qesim anğuba eraum mötket. ¹¹ *Eraum möta Jisös kewö qesim wañgiget, “Köna keugö böhi yeñön mönö keu kewö jimakze, ‘Kezapqetok azi Elaijanöñ mönö Suepnöhök mutuk eta asuhuma.”

¹² Qesim wañgigetka melenđa kewö jiyök, “Elaijanöñ mutuk eta asuhuba malmal pakpak möhamğöma. Keu mi ölña akzapmö, keu kun ki mönö wuanöñğöra ohoget ahöza: Suep gölmegö azi ölñan mönö sihimbölö gwötpuk möriga jijiwilit ak wañgime.” ¹³ Keu yahöt mi ahözahotmö, nöñön kewö jibi mötme: Elaijanöñ lök eta asuhuyökmö, yañğöra Buña keu ohoget ahözawañgö dop ambazipnöñ i nanñini sihimñini wuatañğöba lañ ak wañgiget.” Mewö.

Jisösnöñ öme wuatañğöi morönöñ ölöwahök.

Mat 17.14-21; Luk 9.37-43

¹⁴ Jisös aka gwarek karöbut yeñön kunduneyök eta gwarekurupñi tosatnji yeñğoreñ kaba yuai kewö eket: Köna keugö böhi tosatñan kinda

* **9:11:** Mal 4.5; Mat 11.14

yembuk jitnakölik aka goranora keu jigetka ambazip jesöngöñan liliköba engeka kinget. ¹⁵ Mewö kinda ambazip kambu pakpak yeñön Jisös eka miangöreñök auruba kinjingöba kösutñe anda jölöñi jiget. ¹⁶ Jölöñi jigetka kewö qesim engiyök, “Inini wanatköra yembuk jitnakölik aka goranora keu jize?”

¹⁷ Qesim engiiga kambuñeyök azi kunöñ melenä kewö jii mörök, “Böhi! Nöngö nahöni ömenöñ numbuñi muhungöba töñöt mem wañgiiga wañgita göhöreñ kazal. ¹⁸ Mi miangöreñ me miangöreñ memba mendawöla öröm giliga eta qeba numbuñeyök qölqöl söutsöt eriga irimñi yöhözömgöba sileñan sölöpkömakza. Mewö ahiga kaba göhö gwarekurupki ulet engebiba öme mi wuatangömegö jizalmö, yeñön osize.”

¹⁹ Mewö jiiga melen wañgiba jiyök, “Gölmegö yañgiseñ ambazip yei! Mönö nalö dawik embuk mala qatön engebiba Anutu qahö möt narigetka si-himbölö mötmam. I mönö wañgita nöngöreñ kaget.

²⁰ Mewö jiiga wañgita yañgöreñ kaget. Kagetka ömenöñ Jisös eka miangöreñök morö utuköba ure-pköm wañgiiga wölöhariba tala gölmenöñ qeba pörañpörañ mitiba semben auba ahöiga numbuñeyök qölqöl söutsöt kota erök. ²¹ Jisösnöñ mi eka iwiñi kewö qesim wañgiyök, “Nalö dawikö dop yuai ki lök asuhum wañgiiga kotza?” Qesim wañgiiga jiyök, “Mi lök morörökñeyök asuhum wañgiyök.

²² Mi mem bölim wañgimangöra nalö tosatñe könöpnöñ, nalö tosatñe onöñ metal wañgiiga nalö gwötpuk geba qebayök kinahakza. Mewömö,

mianḡö kukösumḡi kun göhöreḡ ahöza ewö, mönö ak kömumba bauköm netkiman.”

²³ Mewö jiiga jiyök, “Kukösumḡi göhöreḡ ahöza ewö,’ jizan. Anutugö kukösumḡan mönö yuai kungöra qahö qakömakza. Anutu möt narizawaḡön mönö yuai pakpak ölop ahakḡa.”

²⁴ Mewö jiiga iwiḡan mianḡöreḡök qeta jiyök, “Anutu möt narizalmö, mötnariḡnan lölöwöröḡi akza. Mötnariḡni mönö mem köhöiman.”

²⁵ Jiiga ambazip jesöḡḡöḡan ösumḡinan kaba kingetka eka mianḡöra öme mi kewö jim waḡḡiyök, “Gi töḡöt aka kezapduhupkö ömeḡi, nöḡön jim kutum gihizal: Gi mönö azi ki mosöta kota anda kunbuk kude liliḡöba kaman.”

²⁶ Jim waḡḡiiga qeta silata morö mi utuköba könöḡuk ureḡköm waḡḡi wölöhariiga utala kota anök. Kota aniga qeba qamöt tandök aka ahöiga gwötḡukḡan mi eka “Wösöḡi alja!” jiget. ²⁷ Mewö jigetmö, Jisösnöḡ böröḡe memba köbibiiga wahöta kinök.

²⁸ Mewö kiniga Jisösnöḡ miri uruḡe öḡḡöiga gwarekurupḡan nanḡinök tata kewö qesim waḡḡiget, “Neḡön mönö wuanöḡḡöra mi naninök wuatḡḡöbingö osizin?”

²⁹ Qesim waḡḡigetka kewö jii mötket, “Öme tandökḡi mewöḡi mi mönö köuluköba nene siḡḡi mala wuatḡḡöbin. Yuai murutḡi kun ahinga qahö kota anma.” Mewö.

Jisösnöḡ kömumamḡö Buḡaḡi jiiga yahöt ahök.

Mat 17.22-23; Luk 9.43b-45

³⁰ Jisösnöḡ gwarekurupḡi yembuk miri gölme mi mosöta anda Galili prowins uruḡe liliköba denike malgeri, mi kunḡan mötmapkö tököyök. ³¹ Mia

tököba gwarekurupni kusum engimangöra ölöñ anget. Könanön anda keu kötñi kewö jii mötket, “Anutunön Suep gölmegö azi ölni mi gölme ambazip yengö böröñine al wanñii gema. Geiga i qegetka kömuma. I qeget kömui wehön karöbut teköiga mianğoreñ mönö kömupnöhök wahötma.”

³² Keu kötñi mewö jii mötketmö, mi qahö möt kutuget aka könañi denöwö, mi qesibingö kölköldömdöm aket. Mewö.

Gwarek sutñine dañön mutukñi akza?

Mat 18.1-5; Luk 9.46-48

³³ Mewö anda Kaperneam taonön kanğotket. Mianğoreñ kanğota nanñi miri uruñe öngöba gwarekurupni kewö qesim engiyök, “Inini Könanön kaba wani keuya eraum mötze?”

³⁴ *Yeñön könanön kaba ‘Dañön öngöngöñi akza’ mia nanñinök eraum möta kaget. Mianğöra qesim enñiiga keu bök tatket. ³⁵ *Keu bök tatketka Jisösnön geba tata gwarekurupni 12 engoholi kagetka kewö jii mötket, “Kunñan mutukñi malmangö mötza ewö, yañön mönö körek engö nembö bapñine eta qöndökñi aka tosatñi pakpak welen qem engimakña.” ³⁶ Mewö jiba namande moröñi kun memba sutñine ali kinök. Kiniga böröñan memba tambuñe ala kewö jii mötket, ³⁷ * “Kunñan namande kewöñi kun nöngö qetne miriñe köl öröba köyan kölmawi, yañön mönö ni köl öröm niñgima. Kunñan mewö ak niñgizawi, yañön niyök qahöpmö, dañön melaim niñgiyöhi, mönö i mewöyök köl öröm wanñgima.” Mewö.

* **9:34:** Luk 22.24 * **9:35:** Mat 20.26-27; 23.11; Mak 10.43-44;

Luk 22.26 * **9:37:** Mat 10.40; Luk 10.16; Jon 13.20

Jisösnöŋ gwarekurupŋi mindiŋgöm enŋiyök.

Luk 9.49-50

³⁸ Jonöŋ Jisös kewö jii mörök, “Böhi! Nini azi kun nenŋö andönine qahö kayöhi, yaŋön göhö qetnöŋ ömewöröme közöl enŋiiga ehin. Yaŋön nembuk qahö liliköba maljawangöra nini i qetal wangiin.”

³⁹ Mewö jiiga Jisösnöŋ jiyök, “I kude qetal wangime. Kunŋan nöŋgö qetni qeta anŋöletot mezawi, yaŋön mönö miangö andöŋe nöŋgö andöqeŋe keu awamŋanök jimangö osima.

⁴⁰ *Kunŋan qahö qetal nenŋimakzawi, yaŋön mönö nenŋö arenöŋ malja. (Miangöra nöŋgö alaurupni tosatŋi mi kude qetala anŋösirip meme.) ⁴¹ *I mönö nanŋöm enŋigetka Anutunöŋ töwanini enŋima. Kunŋan Kraistkö qetŋe yaŋgö buŋaŋi akzeanŋöra aka o qambi nemegö enŋimawi, Anutunöŋ mönö miangö töwanŋi melenŋa wangiima. Nöŋön keu ölni kun kewö jibi mötme: Nanŋöm enŋimeŋi, mienöŋ mönö töwa meme.” Mewö.

Siŋgisöndökö kölgorom mönö qetal enŋime.

Mat 18.6-9; Luk 17.1-2

⁴² Jisösnöŋ keu kewö jiyök, “Morö kewöŋi möt narim niŋgizei, kunŋan yenŋörenök kun kölgorom ak wangiiga siŋgisöndök akŋawi, azi mianöŋ mönö lömböt öŋgöŋgöŋi miwikŋaima. Anutunöŋ lömböt miangö likepŋi denöwö wangiiga dopŋe akawak? Kemuŋ jamönŋiŋ jölŋe jöhöba köwet röndumnöŋ gilget mulumgöi gebawak, mianöŋ mönö awamŋi ahum wangi tandök akawak. ⁴³ *Miangöra börögan siŋgisöndök akŋangö

* **9:40:** Mat 12.30; Luk 11.23 * **9:41:** Mat 10.42 * **9:43:** Mat 5.30

kölgorom ak gihima ewö, mönö yandim gilman. Yandim gilagun börötak mala malmal köhöikni miwikñaiba oyaenköyaen akñanmö, börö yahötpuk mala könangep könöp sianöñ gebanbuk. Sia könöpñi mi nalö kunöñ qahö bököma. ⁴⁴ Mianğöreñ ‘Döhöñini enğöhöm pilikuta mala qahö kömume aiga könöpñinan nalö kunöñ kude bököma.’

⁴⁵ Mewöyök könagan sinğisöndok akñangö kölgorom ak gihima ewö, mönö yandim gilman. Yandim gilagun könatohot mala malmal köhöikni miwikñaiba oyaenköyaen akñanmö, köna yahötpuk malnöñga könöp sianöñ gil gihigetka gebanbuk.

⁴⁶ Mianğöreñ ‘Döhöñini enğöhöm pilikuta mala qahö kömume aiga könöpñinan nalö kunöñ kude bököma.’

⁴⁷ *Mewöñanök jegan sinğisöndok akñangö kölgorom ak gihima ewö, mönö qözöla gilman. Qözöla gilagun je-ilik mala Anutugö bemtohoñnöñ anğota oyaenköyaen akñanmö, je yahötpuk malnöñga könöp sianöñ gil gihigetka gebanbuk.

⁴⁸ *Mianğöreñ ‘Döhöñini enğöhöm pilikuta mala qahö kömume aiga könöpñinan nalö kunöñ kude bököma.’

⁴⁹ Könöp sia mianğöreñ ambazip körek mi howe sihi kölköl ewö könöpñöñ enğohogetka sihimbölöñi mötme.

⁵⁰ *Howe mi ölöpñi akzapmö, howegö sihimñi mosötma ewö, mi mönö denöwö möhamğögetka nahömñi kunbuk ahubawak? İnini mewöñanök urumohot malmalgö nahömñi mosötpepuk. Mianğöra Suep howeñini mosötpepuköra mönö

* **9:47:** Mat 5.29 * **9:48:** Ais 66.24 * **9:50:** Mat 5.13; Luk 14.34-35

galömŋini memba sutŋine luai qem aŋguba malme.” Mewö.

10

Awanöm aŋgömosötmosötkö keuŋi

Mat 19.1-12; Luk 16.18

¹ Jisösnöŋ wahöta Kaperneam miri mosöta Jordan o kutuba likepŋe anda mötöteiba eta kunbuk o mi kutuba Judia prowinsnöŋ kayök. Kaiga ambazip kambulelebenöŋ kunbuk yaŋgöreŋ tokogetka akmalöhi, miangö dop kunbuk kusum enġiyök.

² Kusum enġiiga Farisi (Köna keugö kapaŋkölköl) tosatŋan yaŋgöreŋ kaba keugö bötaknöŋ örömapkö esapköm waŋgiba kewö qesim waŋiget, “Azinöŋ anömŋi mosötmawi, mewö miangön Köna keu oŋgitma me qahö?”

³ Qesim waŋigetka melenġa kewö jii mötket, “Mosesnöŋ miangö keuŋi denöwö jim kutum enġiiga ahöza?”

⁴ *Mewö jii möta kewö jiget, “Azinöŋ aŋgömosötmosöt papia ohoba anömŋi ölop mosötma. Mosesnöŋ mewö jim kutui ahöza.”

⁵ Mewö jigetka kewö jim enġiyök, “Yaŋön mönö uruköhöikŋinaŋgöra aka jimkutukutu mewö ohom enġiyök. ⁶ *Ohom enġiyökmö, Anutunöŋ könakönahiŋe yuai pakpak miwikŋaiyöhi, nalö miangöreŋök ‘Azi aka ambi malmegöra miwikŋaim enġiyök.’ ⁷ *Miangöra azinöŋ mönö iwinamŋi etkömosöta anömŋaŋgöreŋ anda qekötahöiga

* **10:4:** Dut 24.1-4; Mat 5.31 * **10:6:** Jen 1.27; 5.2 * **10:7:** Jen 2.24

⁸ yetkön sile mohot aka malmahot. Mewö aka toroqeba yahöt qahö akzahotmö, sile mohot aka malmahot. ⁹ Anutunöŋ azi aka ambi mindirim etkiyöhi, ambazip kunŋan mönö i kude menden etkima.”

¹⁰ Jisösnöŋ mewö jiba miri uruŋe öŋgöiga gwarekurupŋan keu miangöra kunbuk qesim waŋgiget. ¹¹ *Qesim waŋgigetka kewö jii mötket, “Azi kunöŋ anömŋi wuatangöba ambi kun memawi, yaŋön mönö qesabulum sero yongorö akŋa. ¹² Mewöyök ambi kunöŋ apŋi wuatangöba azi kun memawi, yaŋön mönö qesabulum sero yongorö akŋa.” Mewö.

Jisösnöŋ nahönbörat kötuetsköm engiyök.

Mat 19.13-15; Luk 18.15-17

¹³ Ambazip tosatŋan nahönbörat morömorö enŋuaŋgita Jisösnöŋ enŋömisirimapköra yaŋgöreŋ kagetmö, gwarek yeŋön ambazip mi jim qetal enŋiget. ¹⁴ Mewö aketmö, Jisösnöŋ mi eka uruŋi böliiga kewö jii mötket, “Nahönbörat moröŋi mönö enŋömosötketka nöŋgöreŋ kame. Anutunöŋ ambazip mewö mia bemtohoŋi buŋa qem enŋima. Miangöra i kude jöhöm enŋime. ¹⁵ *Nöŋön keu öŋŋi kun kewö jibi mötme, “Kunŋan Anutugö bemtohoŋi mi nahönbörat ewö buŋa qahö qem aŋgumawi, yaŋön mönö miangö uruŋe aŋgotmamgö osima. ¹⁶ Mewö jiba tambuŋe ala dohongöm enŋiba böröŋi nöropŋine ala kötuetsköm engiyök. Mewö.

* **10:11:** Mat 5.32; 1 Kor 7.10-11 * **10:15:** Mat 18.3

*Jisösnöŋ azi pomŋi kungö qambaŋ keu jiyök.
Mat 19.16-30; Luk 18.18-30*

17 Jisösnöŋ könahiba köna anmamgö ahiga azi kunöŋ ösumŋan yaŋgöreŋ kayök. Kaba wösöŋe geba simin köla kewö qesim waŋgiyök, “Böhi ölöŋŋi, nöŋön mönö denöwö aka malmal köhöikŋaŋgö buŋa qem aŋgubilenak?”

18 Qesim waŋgiiga kewö jii mörök, “Nöŋgöra ‘Böhi ölöŋŋi,’ mi wuanöŋgöra jizan? Anutu mohotŋan ölöŋŋi akza. Azi kunŋan i ewö ölöŋŋi qahö akza.

19 *Gi jöjopaŋ keu ki möt teközan,

‘Ambazip kun kude qenöŋ kömuma. Sero yoŋgorö kude akŋan. Yoŋgorö kude meman. Jitnöŋ alal keu kude jiman. Kalöpköba yoŋgorö kude meman. Iwinamgi mönö göda qem etkimakŋan.’ ”

20 Mewö jii möta kewö jiyök, “Böhi, mi pakpak mönö gwaböneyök tem köla mala kotzal.”

21 Mewö jiiga Jisösnöŋ uba eka urukönömŋan jöpaköm waŋgiba kewö jii mörök, “Mohot kungöra kewö osizan: Gi mönö anda sukinapki pakpak söŋgöröŋi memegöra alnöŋ moneŋ kaiga ambazip wanapŋi engiman. Mewö aknöŋga sukinapki ketani (guli masapugi milyön kinagi ewö) ketani mi Suep mire ahöm gihima. Mewö aka ni nuatangöba kaman.” 22 Jisösnöŋ mewö jiyökmö, sukinapŋi gwötpuk ahöyöhaŋgöra aka keu mi möta uruŋi bosoleiiga wösöbirik aka jeŋi asöliiga öne mosöta anök.

* **10:19:** Eks 20.12-16; Dut 5.16-20

²³ Mosöta aniga Jisösnöŋ ui anda kaiga gwarekurupŋi kewö jii mötket, “Yei! Ambazip moneŋ inapŋinambuk yeŋön mönö Anutugö bemtohoŋnöŋ aŋgotpingö lömböriba kupuk-kapak akŋe.”

²⁴ Mewö jiiga gwarek yeŋön mi möta welipkögetmö, Jisösnöŋ toroqeba kewö jii mötket, “Gupanurupni, ambazip denike yeŋön moneŋ inapŋini möt narimakzei, yeŋön mönö Anutugö bemtohoŋ uruŋe aŋgotpingö lömböriba kupuk-kapak akŋe. ²⁵ Mi kewö jim tuarimam: Sömbup ketanŋi kamel mi kondi kinimŋe ölop qahö aŋgotma. Miangö dop ambazip pomŋi yeŋön Anutugö bemtohoŋ uruŋe aŋgotpingö lömböriba qaköme.”

²⁶ Mewö jii möta aurum tililingöba nanŋinanğöra kewö jiget, “Opoŋ! Ambazip danŋön mönö Suepkö buŋaya akawak?”

²⁷ Mewö jigetka Jisösnöŋ uba engeka kewö jiyök, “Ambazipnöŋ mi esapköba osiba qakömakzemö, Anutunöŋ mewö qahö ahakza. Anutunöŋ mönö yuai pakpak ölop ahakza. Yanŋön yuai kun aka memangö qahö osiba qakömakza.” Mewö.

Jisösgö nup memegö töwanŋi

²⁸ Pitönöŋ keu mi möta melenđa Jisös kewö jii mörök, “Mötnöŋ, neŋön mönö yuai pakpak mosöta gi guatangöba kain.”

²⁹ Mi möta Jisösnöŋ kewö jiyök, “Nöŋön keu ölnŋi kun kewö jibi mötme: Kunŋan nöŋgö aka Ölöwak Buŋagöra aka yuai kun mosöröhi, - mi jike mirinŋi, darumunŋi, nenbehötnŋi, iwinamŋi, nahönböratŋi me nup kisinŋi - mi enğömosöriga Anutunöŋ mönö miangö likepŋi oŋgita melenŋ wanŋiiga sehima. ³⁰ Kunŋan yuai mi mosöröhi,

Anutunöŋ mönö salupŋe mi 100:kö dop toroqeba waŋgiiga nanŋi buŋaya akŋa. Gölmegö malmalnöŋ sesewerowero uruŋe malmapmö, jike miri, darumun, nenbehöt, iwinam, nahönbörat aka nup kisi mi mönö salupŋe ahum waŋgima aka nalö könaŋepŋe malmal köhöikŋi teteköŋi qahö buŋa qem aŋguma. ³¹ *Mewö asuhumapmö, mutukŋi eŋgörenök gwötpukŋan dagibezupŋi aketka dagibezupŋi yeŋgörenök gwötpukŋan mutukŋi akŋe.” Mewö.

Kömumamgö keuŋi jiiga karöbut ahök.

Mat 20.17-19; Luk 18.31-34

³² Jisösnöŋ gwarekurupŋi yembuk Jerusalem sitinöŋ öngöbingöra gölme köna anget. Jisösnöŋ mutuk aniga gwarekurupŋan andöŋe anda welipköget aiga ambazip andöŋine kageri yeŋön mönö keŋgötŋini mötket. Mewö aketka Jisösnöŋ gwarekurupŋi 12 mi kunbuk öröm eŋgiba könahiba kusum eŋgiyök. Yaŋgören yuai asuhumawi, keu mi jim asariba kewö jiyök, ³³ “Mötket, nini Jerusalem öngöbin. Miangören kunŋan Suep gölmegö azi ölni mamalolo mem waŋgiiga jike nup galöm aka Köna keugö böhi yeŋö böröŋine gema. Yeŋön kömumapkö keuŋi jim teköba kian gawman yeŋö böröŋine al waŋgime. ³⁴ Al waŋgigetka mepaiköba söutkölap qeba ihilek wahinambuknöŋ tauköm waŋgime. Tauköm waŋgiba qegetka kömuma. Kömumba wehön karöbut teköiga kömupnöhök wahötma.” Mewö.

Jeims Jon yetkөн yuaigöra ulerohot.

Mat 20.20-28

* **10:31:** Mat 20.16; Luk 13.30

³⁵ Jisösnöñ mewö jiiga Jebedigö nahönyahötñi Jeims aka Jon yetkön yangören anda kewö jiyohot, “Böhi, niri yuai kungöra ulet gihiziri mi ak netkimangö mötzit.”

³⁶ Jiyohotka qesim etkiyök, “Injiri wani yuai ak etkimangöra mötzahot?”

³⁷ Qesim etkiiga kewö jiyohot, “Göñön ölop jim kutunönga niri göhö asakmararaññöñ eu öngöba kunöñ börögi ölñe aka kunñan börögi qaniñe tata yuai pakpak galöm kölbinak.”

³⁸ *Mewö Jiyohotmö, Jisösnöñ kewö jii mörohot, “Injiri mianğö könani qahö möt yaköba uletzahot. Nöñön qambi asölñambuk nemami, injiri mi ölop nemba sihimbölo mötmahot me qahö? Jöm nöngwambukñöñ melun mem niñgimei, injiri mi memahot me qahö?”

³⁹ Jii möta jiyohot, “Mi ölop membit.”

Jiyohotka kewö jii mörohot, “Mi ölñal! Nöñön qambi asölñambuk nemami, injiri mi mewöñanök nemahot aiga jöm nöngwambukñöñ melun mem niñgimei, mianğön mönö injiri mewöyök melun mem etkime. ⁴⁰ Mem etkimemö, nöngö böröni ölñe me qaniñe dañön tatmahori, nöñön keu mi jim kutumamağö dop qahö. Anutunöñ dum yahöt mi denike yetköra mözözömgöyöhi, mi mönö yetköra etkiiga nömbuk tata galöm kölmahot.” Mewö.

Galöm ölñan mönö welenqeqeya akza.

⁴¹ Jeims Jon yetkön mewö ulerohotka alaurupñi 12 yeñön mi möta könahiba urubölö aket.

⁴² *Mewö aketmö, Jisösnöñ enğoholi kagetka kewö

* **10:38:** Luk 12.50 * **10:42:** Luk 22.25, 26

jii mötket, “Gölmegö kantriñi kantriñi miengö jembonñinan galöm köl engibingö jizei, yeñon mönö azi kembu tandök ak engimakze. Yeñgö ketañamñinan mönö keu jim kutuba mindingöm engiba kukösumñini kondelakze. İnini kōnañini mi ölop mötze. ⁴³ *Engö sutñine silik mewö ahöbapukmö, kunñan engö sutñine ketañamñini akñamgö mötzawi, yañon mönö welen qem engiba malma. ⁴⁴ Mewöyök kunñan engö sutñine mutukñi malmamgö mötzawi, yañon mönö körek engö nembö bapñine mala welenqeqeñini omani akña. ⁴⁵ Suep gölmegö azi ölñan mönö mewöyök silik mewöñi kondela nanñi welen qem wañgimegöra aka qahö kayök. Qahöpmö, welen qem engiba ambazip sehiseñi yeñgö sohopñini memamgöra aka eta malmalñi kölenña mosötma.

Bartimeus jeñi gömöliiga mem ölöwahök.

Mat 20.29-34; Luk 18.35-43

⁴⁶ Jisösnöñ gwarekurupñi yembuk Jeriko sitinöñ kaget. Kaba siti mi mosötpingö aketka ambazip kambulelembenöñ enguatangöba andöñine kaget. Mewö kagetka jegömöl azi qetñi Bartimeus, Timeusgö nahönñi yañon moneñ aka nene wañgimegö ulet engiba kōna jitñe tarök. ⁴⁷ Tariga “Nazaret-azi Jisösnöñ kaza!” jiget möta kōnahiba kewö qerök, “Jisös Deiwidkö gwölönarökñi, mönö ak-kömum niñgiman!”

⁴⁸ Mewö qeriga gwötpukñan bök tatmapköra qetal wañgigetmö, yañon mönö kapan köla qerök. “Deiwidkö gwölönarökñi, mönö ak-kömum niñginöñ!”

* **10:43:** Mat 23.11; Mak 9.35; Luk 22.26

⁴⁹ Qeriga Jisösnöŋ dörök ala kewö jiyök, “Ölöp qetketka ki kama.” Mewö jiiga jegömöl azi mi qeta kewö jiget mörök, “Göhöra qeza. Mönö mötkurumkurum mosöta wahöta kaman.”

⁵⁰ Mi möta malukuŋi qeköba gila pöraŋ wahöta kinda Jisösgöreŋ anök.

⁵¹ Aniga kewö qesim waŋgiyök, “Alani, nöŋön wani yuai ak gihimangöra mötzan?” Mewö qesim waŋgiiga jegömöl azinöŋ jiyök, “Ketaŋamni, ni jeni kunbuk umangöra mötzal.”

⁵² Mewö jiiga Jisösnöŋ kewö jii mörök, “Mötnaripkan mönö mem ölöwak gihiza. Mönö ölop anman.” Mewö jii möta jeŋan miangöreŋök tohoiga uba andöŋine Jisös wuatangöba anök. Mewö.

11

Jisösgöra köiraŋ kölgetka Jerusalem öngöyök.

Mat 21.1-11; Luk 19.28-40; Jon 12.12-19

¹ Jisösnöŋ gwarekurupŋi yembuk Jerusalem siti dopdowiba Betfage aka Betani miri yahöt kösutŋire kaba Oil ip kunduje öngöba gwarekyahöŋi yahöt melaim etkimangöra aka ² kewö jii mörohot, “Miri wösöŋire tatzawi, mönö miangöreŋ anohot. Anda miangöreŋ angota doŋki moröŋi kösönöŋ jöhöget kinjawi, mi miangrenöŋ miwikŋaimahot. Doŋki mi dölökŋa, azi kunŋan qakŋe qahö tatatŋa. Mi mönö pösata memba ki kamahot. ³ Pösarohotka kunŋan ‘Wuanöŋgöra mewö akzahot?’ jiba qesim etkiiga kewö jimahot, ‘Kembuniran mönö miangöra osiba jiiga kazira zilaŋ meleŋniga kunbuk ki kama.’

⁴ Mewö jiba melaim etkiiga anda donki moröni miri towokne miri kungö nanğunje kösönöñ jöhöget kiniga miwikñaiba pösarohot. ⁵ Pösarohotka azi tosatni miangören kingeri yeñon kewö qesim etkiget, “Hei, wania akitköra donki moröni pösatzahot?”

⁶ Mewö qesim etkigetka Jisösnöñ jiyöhañgö dop jiyohot möta “Ölöp memba anmahot,” jiget. ⁷ Jigetka memba Jisösgören kayohotka malukuñini qeköba donki moröñangö qakne algetka öngöba tarök. ⁸ Mewö tata aniga ambazip jesöngöñan göda qeba malukuñini qeköba köna namne tumbulgetka tosatñan gölme köröñe anda ip sinji mitiba tumbulget. ⁹ *Tumbulgetka ambazip jeñe köl öröba angeri aka andöñe wuatangöba kageri, yeñon kewö jiba qetket, “Hosana, owe owe! Anutu möpöseizin. Kembugö qetne kamawi, Anutunöñ mönö i kötuetköm wangima. ¹⁰ Kin Deiwidnöñ kantri tohoñ kuñguba galöm köl engiyöhi, nalö mewöñan mönö kunbuk kam neñgiza. O Anutu mönö kantri tohoñnini kötuetköman. Hosana! Qetbuñagi möpöseininga euyangören öngöza. Owe Owe!”

¹¹ Mewö qetketka Jerusalem sitinöñ öngöba jöwöwöl jikegö tohoñ uruñe anök. Miangören liliköba yuai pakpak ehi mare ahiga eta gwarekurupñi 12 yembuk jike mosöta Betani mire anda ahöget. Mewö.

*Jisösnöñ fig ip kun qesuahöiga ululungöyök.
Mat 21.18-19*

* **11:9:** Sum 118.25-26

¹² Ahöba sönanök wahöta gwarekurupni yembuk Betani miri mosöta angetka Jisösnöñ nenegö kömuyök. ¹³ Nenegö kömumba ui aniga fig ip kun* sinñambuk kini ehök. Eka “Sinñanğö uruñe ölni tari miwikñaiba nembilenjak,” jiba fig ipkö könane anök. Anökmö, ölnanğö nalöñan qahö töriyöhañgöra sinñanök kini ehök. ¹⁴ Mewö eka ip mi kewö jim wanğiyök, “Kunñan ölgı kunbuk kude nema.”

Mewö jim wanğiiga keu mi gwarekurupñan mötket. Mewö.

Jisösnöñ jöwöwöl jike jim kömbuhyök.

Mat 21.12-17; Luk 19.45-48; Jon 2.13-22

¹⁵ Anda mala Jerusalem sitinöñ öngögetka Jisösnöñ jöwöwöl jikegö tohoñ uruñe anök. Mianğoreñ ambazip enğehiga inap bohonñi memegöra algetka söñgöroni megeri, mi könahiba közöl enğiiga etket. Monen utekutek ambazip yengö jakenini metali anget. Mewöyök kembö bohonñini memegöra algeri, miengö dum tatatñini mi tok tötaliga anget. ¹⁶ Sombem kömbukñi kutuba yuai siriba anğotkanğotkö könani jöhöyök.

¹⁷ *Mewö aka kusum enğiba kewö jii mötket, “Aisaianöñ keu kun kewö ohoi ahöza, ‘Nöngö jikenan mönö gölmenı gölmenı pakpak yengö köulukö mirinina akñapkö qetme.’ Keu mi ahözapmö, inini mi utekögetka kegwek-kahasililin yengö banet ewö akza.”

* **11:13:** Fig mi sambı ipkö alañi kun. Mi nupñine kömötketka kötni nahömñinambuk asuhugetka gwötpuk nemakzema. * **11:17:** Ais 56.7; Jer 7.11

¹⁸ Mewö jii möta ambazip kambu pakpak yeñön miangöra nemböñini teköiga welipköget. Mianğöra jike nup galöm aka Köna keugö böhi yeñön mi möta Jisösgöra keñgötñini möta eraum möta kewö jiget, “Mönö denöwö jiinga qegetka kömumbawak?”

¹⁹ Mare ahiga Jisösnöñ gwarekurupñi yembuk siti mosöta yaigep anda ahöget. Mewö.

Fig ipnöñ ululungöiga eket.

Mat 21.20-22

²⁰ Ahöba söñanök wahöta könanöñ anda fig ip mi ongitpingö aketka jalöñambuk ulungöba kini eket.

²¹ Kiniga Pitönöñ Jisösgöreñ keu mötmöriba kewö jii mörök, “Ketañamni eknöñ, fig ip qesuahönöñi, mi mönö ululungöba kinja.”

²² Jii möta Jisösnöñ kewö meleşnök, “Anutugö mötnarip mönö töp memba malme.” ²³ *Nöñön keu ölni kun kewö jibi mötme, “Kunñan keuñangö ölni ahumapkö uruyahöt qahö aka kundunji kiangö toñangöra kewö jim kutubawak, ‘Mönö kundunji ki qeköba wahöta anda köwetnöñ alman.’ Mewö jim kutuba Anutu möt nariiga ölni mönö miangö dop ahuma. ²⁴ Mianğöra nöñön kewö jibi mötme: Wani yuaigöra qesiba köulukömei, mi pakpak lök buña qem anğuzin, mewö möt narigetka mönö buñanini akña. ²⁵ *Inini kinda Anutu köulukögetka kunñan alañangö pinjtköra urubölö akña ewö, pinjit mi mönö mosötme. Mewö akñe ewö, engö Iwiñini Suep mire maljawanön mönö mewöñanök engöreñ siñgisöndok mosötma. ²⁶ (Inini tosatñi yeñgöreñ siñgisöndok qahö mosötme ewö, engö

* **11:23:** Mat 17.20; 1 Kor 13.2 * **11:25:** Mat 6.14-15

Iwiñini Suep mire maljawanön mönö mewöñanök enğöreñ singisöndok qahö mosötma.)” Mewö.

Jitñememe yeñön Jisösgö kukösumñanğö qesiget.

Mat 21.23-27; Luk 20.1-8

²⁷ Jisösnöñ gwarekurupñi yembuk kunbuk Jerusalem sitinöñ öngöget. Öngöba jöwöwöl jikegö tohoñ uruñe anda kaiga jike nup galöm, Köna keugö böhi aka kantrigö jitñememe tosatñi yeñön yañgöreñ kañgotket. ²⁸ Kañgota kewö qesim wañgiget, “Gi kianğöreñ yuai akzani, mi mönö dañön jim kutum gihiiga ahakzan? Mi memamgö kukösumñi mi dañön gihiyök?”

²⁹ Qesim wañgigetka kewö melenğ enğiyök, “Nöñön mewöyök keu kun qesim enğimam. Mi melenğ niñgigetka nöñön mewöyök dañön kukösum niñgiiga yuai ki ahakzali, mi jibi mötme. ³⁰ Jonöñ ambazip o-melun mem enğiba malöhi, yañön miangö kukösumñi mi denikeyök meyök? Suep Toñan wañgiyök me gölme toñan wañgiget? Mi jiget mötmam.”

³¹ Mewö melenğ enğiiga sutñine eraum möta kewö jiget, “ ‘Kukösumñan Suepnöhök asuhuyök,’ mewö jibin ewö, yañön mönö kewö jima: Injini mönö wuanöngöra Jon qahö möt narim wañgiget? Mi qahö dop kölja. ³² Me ‘Gölme ambazipnöhök asuhuyök,’ jibinak? Mi qahö dop kölja.” Ambazip körekñan Jongöra ‘Ölña kezapqetok azia akza,’ jigerañgöra aka ambazip kambu yeñgöra keñgötñini möta mi jibingö osiget. ³³ Miangöra “Mi qahö mötzin,” melenğet. Mewö melenğetka Jisösnöñ kewö jii mötket, “Mewö aiga nöñön mewöyök yuai

ki ahakzalaŋgö kukösumŋi daŋön niŋgiyök, mi qahö jibi mötme.” Mewö.

12

Wain kösö nup galöm bölöŋi mienjö dopkeu

Mat 21.33-46; Luk 20.9-19

¹ *Jisösnöŋ könahiba ambazip dopkeunöŋ kewö jii mötket, “Azi kunöŋ wain kösö nup kun köla kömörök. Köla kömöta selŋi memba liliköyök. Mem liliköba wain jout ketanŋi kötnöŋ meyök. Mianğoreŋ waingö ölni ala könanöŋ tözöhölget oŋan lalanöŋ geyök. Wain jout ketanŋi mi memba wain yoŋgorö membepuköra galöm meme jake köröpŋi köweŋambuk meyök. Yuai pakpak mem teköba wain nup galöm tosatŋi miwikŋaim eŋgiba kewö jiyök, “Mönö nup memba ölnaŋgö bahöŋi nanŋini memba bahöŋi tonŋi ni niŋgime.” Mewö jiba nup mi böröŋine ala eŋgömosöta kantri kunöŋ anda malök. ² Mala mali ölni öliyöhaŋgö nalöŋi (yambu 5) töriiga mianğoreŋ welenqeŋeŋi kun melaim waŋgiiga galöm yeŋgöreŋ anda wain nup ölnaŋgö bahöŋi waŋgimegöra jiyök. ³ Jiyökmö, galöm yeŋön i memba jöhöba kömbinöŋ qeba wuatanaŋgetka böröŋi börak liliŋgöyök. ⁴ Mianğö andöŋe welen azi kun melaii yeŋgöreŋ aniga nöröpŋi qesiŋda gamu qem waŋgiget. ⁵ Mianğö andöŋe welen azi kun kunbuk melaiiga ani qeget kömuyök. Mewöŋanök azi tosatŋi gwötpuk melaim eŋgiiga tosatŋi kömbinöŋ sepgwörörök eŋguba tosatŋi eŋguget kömuget. ⁶ Mewö aketka wain nup toŋan keu jaruba jiyök, ‘Nani wölböt nahöni

* **12:1:** Ais 5.1-2

mohok mi tok malja. I mönö göda qem wanğime me denöwö?’ Mewö jiba qöndökñi mi nahönña melaiiga yengören anök. ⁷ Anökmö, kaiga eka sutñine kewö jiget, ‘Yañön mönö börösamotñangö tonji akña. Ayop, mönö memba qein kömuiga wain kösö nup kianñön mönö nanine buñanina akña.’ ⁸ Mewö jiba memba jöhöba qeget kömuiga qamötñi nup yaigepñe gilget geyök.

⁹ Wain nup tonjan mi möta mönö denöwö akña? Yañön mönö nanñak kaba nup galöm mi könden engima aka nup galöm dölökñi miwikñaim engiba wain kösö nupñi yengö böröñine alma. ¹⁰ *Buña Kimbigö keu ki lök oyonget me qahö?

‘Miri meme yeñön köt tandö kun andö qeba öne mosötket taröhi, mianñön mönö tandö kömbönañi ahiga miwikñaiget. Mianñön tinğiriga mirinöñ mönö gororöngöba eta kölma.

¹¹ Kembunöñ tandö mi kuñguiga jeninan ehinga qetbuñabuk ahiga welipkömakzin.’ ”

¹² Jisösnöñ mewö jiiga galöm yeñön keu mianğö könañi möt asariba kewö jiget. “Dopkeu mi mönö neñğöra jiza.” Mianğöra i memba jöhöbingö mötketmö, ambazip kambu yengöra keñğötñini möta osiba mosöta anget. Mewö.

Takis alalgö Jisös esapköm wanğiget.

Mat 22.15-22; Luk 20.20-26

¹³ Juda jitñememe yeñön Farisi aka premiö Herodkö pati alaurup tosatñi melaim engiba kewö jiget, “Inini mönö Jisösgören anda qesiba keugö bötakñöñ öröi gwaröhöm wanğime.” Mewö jigetka

* **12:10:** Sum 118.22-23

Jisösgörej kaget. ¹⁴ Jisösgörej kaba kewö jigetka mörök, “Böhi, göjön azi ölni akzani, nini mi mötzin. Göjön ambazip tosatni qahö engek soriba tosatni qahö qepureim engimakzanmö, dop mohotnöj kewöt neŋgimakzan. Mianğöra kuŋgum gihigetka qahö goŋgiba ketani qahö esuhum engimakzanmö, Anutugörej köna mi keu ölnaŋgö dop kusum neŋgimakzan. Göjön Anutugörej keu diŋdiŋi mi-aŋön öngöŋgöni eretni mohot pakpak jim qindin ak neŋgimakzan. Mianğöra nini sisa-kingöra takis ala mianön Mosesgö Köna keu siŋgibin me qahö? Mi alinga dop kölja me qahö?”

¹⁵ Mewö jiget möta areŋini muneni mi möt kutuba kewö jii mötket, “Inini wuanöngöra keugö bötaknöj al niŋgibingö esapköm niŋgize? Ölop silwö monej (Kina 5) kun memba kaget eki.”

¹⁶ Mewö juiga mi memba kagetka kewö qesim engyök. “Dagörej imut aka qet mi ki ohoget ahöza?” “Mi sisa kingörej!” Mewö melenđa jiget.

¹⁷ Jigetka kewö jii mötket, “Mewö ahiga yuai sisa-kingö imutŋambuk buŋaŋi ahözawi, mi mönö yaŋgöra al waŋgime. Yuai kun Anutugö buŋaya ahözawi, mi mönö Anutugö buŋa qeme.” Mewö jii möta yaŋgöra gwötpuk welipköget. Mewö.

Kömupnöhök wahötwahötkö esapköm waŋgiget.

Mat 22.23-33; Luk 20.27-40

¹⁸ *Sadyusi (Jike nupkö kapaŋkölköl) yeŋön “Kömugerı yeŋön kude wahötmė,” jiba malget. Yeŋgöreŋök tosatŋan Jisösgörej kaba kewö qesim

* **12:18:** Apo 23.8

wanjiget, ¹⁹ **“Böhi, Mosesnöŋ kewö jim kutum nenjigiyök ahöza,*

‘Azi kun ambi meiga nahönbörat qahö ahui kömumba malöŋi öne mosöriğa munŋan ölop malöŋi memba gwölönarök qiwikŋaim wanjiğa datŋaŋgö qet bisiba malma.’

²⁰ Mötnöŋ! Nalö kunöŋ darumun 7 malget. Datŋini mutukŋan ambi memba mala gwölönarökŋi qahö öne mala kömuyök. ²¹ Kömuğa munŋan malöŋi mi memba mala mewöyök gwölönarökŋi qahö öne kömuyök. Kömuğa munŋi kun yaŋgö bapŋe mianöŋ ambi miyöhök memba mala öne kömuyök. ²² Mewöŋa mewö darumun 7 pakpak yeŋön ambi mohot miyöhök memba gwölönarök qahö mala kömum teköget. Körek kömugetka qöndökŋi malöŋini mi mewöyöhök kömuyök. ²³ Göŋön Kömugeri yeŋön guliba wahötme,’ jizanzmö, nini mi qahö möt narizin. Mötnöŋ! Azi 7 pakpak mi öröröŋ wahötpeak ewö, ambi möhot mi anömŋina meget malöhaŋgöra aka mönö dagö anömŋa akawak?”

²⁴ Mewö qesigetka Jisösnöŋ melenđa kewö jii mötket, “Injini keu jim sohoze. Urumelenğö Buŋa Kimbiŋi aka Anutugö kukösumŋi qahö möt kutuzeaŋgöra mönö janjuŋ ahakze. ²⁵ Ölnja, kömupnöhök wahöta nalö mianğoreŋ awanöm qahö akŋemö, garata yeŋön Suep mire maljeaŋgö tandök aka malme. ²⁶ *Mötket! Kömugeri, yeŋön guliba wahötmegö keuŋi mi Mosesgö Buknöŋ kewö ahöza: Sötman köhösonöŋ könöp bölam ahuba

* **12:19:** Dut 25.5 * **12:26:** Eks 3.6

qahö jem kutuyöhi, injini kösohot mi oyonget me? Anutunöŋ mianğoreŋ Moses kewö jii mörök, ‘Nöŋön Anutu Abrahamgö Kembu, Aisakö Kembu aka Jeikobkö Kembuya mala kota maljal.’

²⁷ Isik bömön karöbut yeŋön Anutubuk mala mal köhöiba öngöme. Anutunöŋ köhömuŋi yeŋgö Kembuŋini qahöpmö, malmal köhöikŋi maljei, mönö yeŋgö Kembuŋina akza. O Sadyusi (Jike nupkö kapaŋkölköl pati) injini mönö keu gwötpuk möt sohomakze.” Mewö melenök.

Jöjöpaŋ keu bohonŋi yahöt mi denöwö?

Mat 22.34-40; Luk 10.25-28

²⁸ *Jisösnöŋ Sadyusi (Jike nupkö kapaŋkölköl) yembuk eraum möta jim soroköba melen engiyöhi, mi Köna keugö böhi azi kunöŋ mörök. Mewö möta jeje kaŋgota kewö qesim waŋgiyök, “Jöjöpaŋ keu pakpak mienğoreŋök bohonŋi ketanŋi mi denöwö?”

²⁹ *Qesim waŋgiiga melenök, “Bohonŋi ketanŋi mi kewö, ‘Israel könagesö mötket! Anutu mi Kembunini. Yaŋön Kembu mohot ahiga bem alaŋi kun qahö.

³⁰ Mianğöra urugi jömukŋi, uŋagi jömukŋi, mötmötki jömukŋi aka kuki jömukŋi, mianğön mönö Kembu Anutugi jöpaköba malman.”

³¹ *Jöjöpaŋ keu mianğö alaŋi kewö, ‘Nangi jöpaköm aŋgumakzani, mewöŋanök mönö ambazip pakpak jöpaköm engiba malman.’ Jöjöpaŋ keu kunŋan mönö keu yahöt mi qahö etkonŋitza.”

* **12:28:** Luk 10.25-28 * **12:29:** Dut 6.4-5 * **12:31:** Lew 19.18

32 *Köna keugö böhigöra mewö melenniga jiyök, “Böhi! Gi törörök keu ölnanö dop jizan. Anutunöñ mohot akza. Bem alañi kun qahö. 33 *Gi urugi jömukñi, mötkutukutugi jömukñi aka kuki jömukñi, miañön Anutu jöpaköba malman. Aka nangi jöpaköm anğumakzani, mewöñanök mönö ambazip pakpakjöpaköm enğiba malman. Jöjöpañ keu yahöt mi bohonñi ketañi akzahot. Mi tem kölmani, miañön mönö jöwöwöl pakpak aka naluk kötin tosatñi enğonğitza.” 34 Mewö jüga Jisösnöñ urumötmötni möri dop köliga kewö jii mörök, “Gi Anutugö be-mtohonñöñ anğotmamgö dopdowizan.” Mewö er-aum möröhotka körek yeñön Jisös toroqeba qesim wañgibingö kölköldömdöm aka mosötket. Mewö.

Kraist mi kiñ Deiwidkö kembuñi aka gwölönarökñi.

Mat 22.41-46; Luk 20.41-44

35 Jisösnöñ jöwöwöl jikenöñ kinda Buña keu kusum enğiba kewö qesim enğiyök, “Kraistnöñ kiñ Deiwidkö gwölönarökñi akzawi, Köna keugö böhi yeñön keu mi denöwögöra jimakze? 36 *Deiwidnöñ nanñak Uña Töröñan sölölohöm wañgiiga kewö jiyök,

‘Anutunöñ kinda nöñgö Kembuni kewö jii mörök: Göñön mönö kaba nöñgö böröni öñje tatnönga nöñön nalö sutñe kerökurupki tim tötöla luhut alenğiba göhö köna tambö gwaröñe al enğimam. Nalö mi kam kuñgumawañgö dop mönö asakmararaññöñ ki tatman.’

* 12:32: Dut 4.35 * 12:33: Hos 6.6 * 12:36: Sum 110.1

³⁷ Deiwidnön nannak mewö jiba qetnji ‘nöngö Kembuni’ jiza.’ Kembuni jiba mönö denöwö aka yangö gwölönarökñi mohot akawak?” Mewö jiiga ambazip kambu ketanji yeñön Jisösgö keuñangö sihimñi möta kezap alget. Mewö.

*Urumelenjö silesile malmalgö galöm meme keu.
Mat 23.1-36; Luk 20.45-47*

³⁸ Jisösnön kusum engiba toroqeba kewö jiyök, “Inini mönö Köna keugö böhi yeñgöra galöm memba malme. Yeñön maluku köröpñi löngöta anda kaba kondel angubingö mörakze aka maketnön me könanön ambazip engigetka jölönini jimegö mörakze. ³⁹ Köuluk mire qaikñe eu tatpingö sihimñi mörakze, aka közölömbuañnön dum tatat mutukñe jegep tatpingö mörakze. ⁴⁰ Yeñön malö yeñgöreñ miri yuai bidañda gagabe köla enğuanğirakze, aka qetbuañini asuhumapköra köuluk köröpñi köuluköba töptöpñine qemakze. Mianğöra Anutunön keuñini jim teköba likepñi öngöngöñi melenñi qakñine öngöma.” Mewö.

Ambi malö kunön naluk kötin ölni alök.

Luk 21.1-4

⁴¹ Jisösnön jöwöwöl jikenön naluk dundum andöñe tariga ambazipnön moneñ mianğöreñ alget geiga uba enğehök. Ambazip pomñi sukinapñinambuk gwötpuk yeñön kangota kina moneñ lömbötñambuk alget geyök. ⁴² Alget geiga malö wanapñi kunön kangota souje kötni yahöt, mi toiya tosatñi mianğö dop ali geyök. ⁴³ Jisösnön mi eka gwarekurupñi köl öröm engiba kewö jii mötket, “Nöñön keu ölni kun kewö jibi mötme: Malö wanapñi kianön naluk aljawi, mi mönö

tosatni pakpak yeñon yuai dundumnöñ alget gezawi, miangö dopni ongita alja. ⁴⁴ Körek yeñon monen gwötpuk ahöm enjiiga kitipñanöhök aljemö, ambi kianön mönö köruebörue maljawangö dop yuaini pakpak al teköba öne töhön malma.” Mewö.

13

Jöwöwöl jikenöñ köndenmönden asuhuma.

Mat 24.1-2; Luk 21.5-6

¹ Jisösnöñ jöwöwöl jike mosöta eriga gwarekurupni yeñgöreñök kunñan kewö jii mörök, “Böhi eknöñ! Jikegö tohoñ uruñe mirinji mirinji mi mönö wewelipñambuk. Mi kötnöñ memba meñölögetka ölöpbölöpñi kinja.”

² Jisösnöñ mi möta keu kewö melenök, “Jikegö tohoñ uruñe miri ketani ki engekzanmö, mi mönö köndengetka mirigö köt kun mi köt kungö çakñe qahö ahömapmö, qeqelanlan aka sahopñanök ahöma.”

Kahasililij aka sesewerowero asuhuma.

Mat 24.3-14; Luk 21.7-19

³ Mewö jiiga Oil ip kundunje öngöba likepñe endu jöwöwöl jikenöñ kinöhi, mi eka tatket. Miangöreñ tata Pitö, Jeims, Jon aka Andru yeñon Jisös nanñök öröba kewö qesim wangiget, ⁴ “Böhi! Keu jizani, miangö ölni mönö wanat nalönöñ asuhum tingitma aka yuai pakpak mi könahiba asuhum tekömawi, miangö aiwesökñan mönö denöwö asuhuma? Mia ölöp jinöñ mörin.”

⁵ Mewö qesim wangigetka könahiba kewö jii mötket, “Kunñan isimkakalek aiga janjun anbepuköra mönö galömñini memba malme.

6 “Ambazip gwötpukñan asuhaba nõngö qetne kewö jime, ‘Nõñon Kraist akzal.’ Mewö jiba ambazip gwötpuk tilipköm engime. 7 Inini yarö mienjö buzupñini aka ötõñini asuhugetka mörakñe. Mi möta jönömñini kude undumakña. Yuai mewõñi mi mutuhök asuhumapkö jijinja. Mi asuhumapmõ, gölmegö nalõñan mönõ miangörenjök zilañ qahö tekõma. 8 Kantri kunõñ kantri kun engubingõra wahõtme. Ambazip kambu kunõñ kambu kun yembuk arõñ angubingõra wahõtme. Gölmenni gölmenni miangören kenõñ ketani ketani qözõla memba gölme meleñni gemakña. Mewöyök bödiñi bödiñi (buörõñi buörõñi) asuhaba õngõba ahõma. Yuai mewõñi mi ambi körõbuknõñ masi kõnahiba engumakzawañgõ dop. Gölmegö nalõñan mönõ miangõ dop kõnahiba tekõmamgõ akña.

9 *Mewö akñapmõ, inini õlõp galõmñini mem anguba malme. Ambazipnõñ inini õrõba keu jakene al engiba köuluk mireñini keu nupñini memba kõmbinõñ engume. Tosatñan nõngõra aka enguangetketka kantriñi kantriñi yengõ kin kembu aka premiõ yengõ jemesoholñine kinme. Mewö kinda nõngö kõnañamni nañgõba jigetka mötme. 10 Õlõwak Buña ki mönõ mutuk gölmegö kantriñi kantriñi pakpak yengõra jim sehim tekõgetkun gölmegö nalõñan miangõ andõñe tekõma. 11 Õrõba enguangeta keu jakene al engigetka kinmei, nalõ miangören keu denõwõ jibinak, miangõ waimanjatñi qeljiñe kude mötme. Uña Tõrõñan aua miangörenjök keu engimawi, mönõ mia

* 13:9: Mat 10.17-20; Luk 12.11-12

jime. Nanjine uruñinangöra keu qahö jimemö, Uña Töröñan mönö uruñini sölölohöiga keu jime. ¹² Urumelenjö kopa kunöñ darumunñan uruñi meleşnöhangöra aka i mamalolo meiga keu jakeñe algetka qeget kömuma. Mewöyök iwi kunöñ nahönböratñi mamalolo meiga kömuma aka nahönbörat yeñön iwinamurupñini qetal engiba jigetka enguget kömume. ¹³ *Kantri pakpak yeñön nöngö qetnangöra aka kazik ak engigetka malmemö, kunñan kapan köla köhöiba böñ qeba kinda maliga gölmegö nalöñan tekömawi, yañön mönö oyaenjkoyaen buña qem anguma. Mewö.

*Jerusalem sitigö köndenmönder uru-önönñambuk
Mat 24.15-28; Luk 21.20-24*

¹⁴ **“Könañgep tosatñan kaba köndenmönder aka yuai angöjörakñambuk jikenöñ qahö alalgö dop mi altanöñ ala kiniga ekñei, - keu ki oyoñmawañön mönö ölop kezap ala möt kutuma - nalö miañgöreñ Judia prowinsnöñ malmei, eñön mönö misingöba öröba kundunje anme. ¹⁵ *Miri kösutñe sombemnöñ malmawañön mönö eta yuaiñi memangöra miri uruñe kude öngöma. ¹⁶ Nupnöñ anda malmawañön mönö mewöyök malukuñi memangöra lilingöba mirinöñ kude anma. ¹⁷ Yei! Ambi gölömbuk aka morö juzunöñ yeñön nalö miañgöreñ denöwö ösumñinan anbeak. ¹⁸ Miañgöra yuai mi kie luhut nalöñe kude asuhumapköra köuluköme. ¹⁹ *Nalö miañgöreñ kahasililiñ keta bölökñi asuhuma. Kahasililiñ dopñi mewöñi mi*

* **13:13:** Mat 10.22 * **13:14:** Dan 9.27; 11.31; 12.11 * **13:15:** Luk 17.31 * **13:19:** Dan 12.1; Ind 7.14

mönöwök nalö kungen kude asuhuba ahöyök. Anutunöŋ yuai pakpak miwikŋaiyöhi, nalö mianğöreŋök könahiba nalö kianğöreŋ mala kota nalö sutŋe kun qahö asuhuyök. Mönöwök qahö asuhuyök aka könanğep nalö kunöŋ qahö ahuma. Mianğöra mönö köuluköba malme. ²⁰ Kembunöŋ wahöjalinŋ nalö mi qahö mem töribawak ewö, ambazip körekŋan mönö ayuhum teköbeakmö, ambazip nannanğöra möwölöhöm enğiyöhi, yenğöra aka wehön miengö qötöŋini mi mem törima.

²¹ Nalö mianğöreŋ kewö jime, ‘Mötket! Kraistnöŋ ki malja.’ aka ‘Eket! Amötqeqe Tonjan endu kinja.’ Kunŋan mewö jima ewö, mi mönö kude möt narime. ²² Mi kewögöra: Amötqeqe tonji munenji aka kezapqetok ambazip takapulakanji asuhuba anğöletot aka aiwesök jemurutŋi megetka letotme. Mewö letotketka Anutunöŋ ambazip nannanğöra möwölöhöm enğiyöhi, i mewöyök enjololöŋ mem enğimegö esapköba kapan kolgetka janjuŋ akepuk. Enön ölöŋanök galömnini memba malgetka mi osibeak. ²³ Nönön yuai pakpak mi kude asuhuiga qeljiŋe lökŋanök jibi mötze. Mi mutuk jizalanğöra mi mönö uruŋine ala galömnini mem anğuba malme. Mewö.

Suep gölmeğö azi ölnan mönö asuhum tinğitma.

Mat 24.29-31; Luk 21.25-28

²⁴ *Wahöjalinŋ mi teköiga nalö mianğöreŋök wehön jeŋan injan kölīga köiŋnönöŋ ömuŋ kölma.
²⁵ *Senğelau yenön suepnöhök teköba etme

* **13:24:** Ais 13.10; Eze 32.7; Joel 2.10, 31; 3.15; Ind 6.12 * **13:25:** Ais 34.4; Joel 2.10; Ind 6.13

aka suepnöŋ uturuköiga mianğö öröyuaini mi tatatŋini mosöta enjololonŋ aketka sohoma. ²⁶ *Nalö mianğoreŋ Suep gölmegö azi ölni yeŋön kousu qakŋe kaŋgori ekŋe. Kukösumŋi ketanjan saköl-diŋdiŋambuk aukŋe asuhuiga asakmararanŋi ekŋe. ²⁷ Kaŋgota Suep garataurupŋi melaim enğiiga yeŋön ambazip Anutunöŋ nanŋaŋğöra möwölöhöm enğiyoŋhi, i gölme göraŋi likeplikep, euke emuke mianğoreŋök kölolohoba enğuaŋgitme. Mewö.

Geröp ipkö dopkeu

Mat 24.32-35; Luk 21.29-33

²⁸ Inini geröp ip eka tandökŋi mötmöriba dopkeu ki mötme. Böröŋan lök oŋambuk aiga sinŋan yonğoigetka mi eka möta kewö jimakze, ‘Wehön nalöŋan mönö dopdowiza.’ ²⁹ Enön mewöŋanök aiwesök mianğö dop asuhuiga eka möt asariba könaŋi kewö jime, ‘Jisösnöŋ mönö nanğunöŋ dopdowiza.’ ³⁰ Nöŋön keu ölni kun kewö jibi mötket: Ambazip ki merak gölmenöŋ maljei, yeŋön qahö kömugetka yuai pakpak jizali, mi mönö yeŋğö malmal nalöŋine asuhuma ³¹ Suep gölmenöŋ göröŋ qemahotmö, nöŋğö Buŋa keunan mönö qahö ayapköma.’ Mewö.

Jisös kamawaŋğö nalöŋi mi kunŋan qahö mötza.

Mat 24.36-44

³² *Suep gölmegö azi ölnan dawinöŋ kamawi, mianğö wehönŋi me aua nalöŋi mi kunŋan kun qahö mötza. Suepnöŋ garata yeŋön mi qahö mötze. Anutugö Nahönŋan mewöŋanök mi qahö

* **13:26:** Dan 7.13; Ind 1.7 * **13:32:** Mat 24.36

mötza. Iwinöŋ nanŋök mi mötza. ³³ Nalö daw-
inöŋ asuhumawi, mi qahö mötzeanğöra eŋön mönö
alöm memba uruguliguli malme. ³⁴ *Mi dop-
keu kianğö dop ahöza: Azi kunöŋ miriŋi mosöta
kantri kungen anök. Anmamğöra aka galömurupŋi
yuai pakpakŋanğöra jim kutum eŋgiba nanğu kiji
böröŋine ala kukŋi eŋgiyök. Kukŋi eŋgiba we-
lenqeŋeurupŋi mohok mohok nup keu eŋgiyök.
Eŋgiba mala nanğu galömŋi mewöyök uruguliguli
malmapköra jim kutum wanğiyök. ³⁵ Miri tonan
dawinöŋ lilingöba kamawi, mi qahö mötze. Mare
me sunğem ömbibiŋe kama me? Wanğaran suruiga
kama me? Wehön gianğiga kama me? Mianğö
dop iŋini mi qahö mötzeanğöra mönö uruguliguli
malme. ³⁶ Könöpuk wölaŋ kaiga eŋön gaun
ahögetka mewö miwikŋaim eŋgibapuk. ³⁷ Iŋini
mönö uruguliguli malme. Keu mi gwarekurupŋi
eŋğöra jizali, mi mewöyök alaurupŋi körek pakpak
eŋğögöra jizal: Iŋini mönö urugwölögwölö malme.”
Mewö.

14

Jisös qein kömumapkö anğönaŋ alget.

Mat 26.1-5; Luk 22.1-2; Jon 11.45-53

¹ *Pasowa kendon * aka beret yistŋi qahö
mianğö kendonŋi töriyohot. Wehön yahöt teköiga
mianğöreŋ könahibitkö ahotka jike nup galöm
aka Köna keugö böhi yeŋön tokoget. Tokoba
denöwö möndöŋninga Jisös ölöŋ memba qeget

* **13:34:** Luk 12.36-38 * **14:1:** Eks 12.1-27 * **14:1:** Kantri
qetŋi Ijpt mianğöreŋ Kembangö garatanöŋ eŋgehoriŋa eŋğonğirök,
kendon mianğö qetŋi Nei keunöŋ Pasowa. Eksodus 12.15

kömumbawak, mianğö könani jaruba kewötket. ² Jaruba kewöta kewö jiget, “Ambazip irimni seholiiga karimni karimni asuhubepuköra mi sösöngai kendon nalöŋe akingö osibin.” Mewö jiget.

Ambi kunjan Jisös o umköhöwakŋambuknön miriyök.

Mat 26.6-13; Jon 12.1-8

³ *Jisösnön Betani mirinön mala Saimon kun uzikukuŋi mem solaniyöhi, yanğö mire öngöba tarök. Mianğoreŋ nene nemba tariga ambi kunjan köt kirin kun memba yanğoreŋ kayök. Kirin mi nöluk tuat-tuat qetŋi alabastö mianjön memenja. Mia o um-köhöwakŋambuk ölni qetŋi nad mianjön kokolak qeba tarök. Yanjön mi bohonŋi ketanjan memba kaba nöluk jölŋi kutuba oŋi Jisösgö nöröpŋe mimbiliba miriyök. ⁴ Miriiga azi tatkeri, yeŋğoreŋök tosatŋan urubölö aka nanŋinök kewö eraum mötket, “Nad o mi mönö wuanöŋğöra mewö ayuhuzawi? ⁵ Nad o kelökŋambuk mi bohonŋi memegöra albawak ewö, ölop silim 300:kö töwanŋi (Kina 1500,-) oŋgita yöhötibawak. Mi ambazip wanapŋi eŋgiiga dop kölbawak.” Mewö jiba ambi mi jim wanğiget.

⁶ Jim wanğigetka Jisösnön kewö jii mötket, “Ambi ki kude jim wanğime. Wuanöŋğöra uruŋi mem bölize? Yanjön silik ölopŋi ak soroköm niŋgiiga dop kölja. ⁷ *Ambazip wanapŋi mi nalöŋi nalöŋi sutŋine malgetka ölopŋi ak eŋgibingö möta mi ölop nalö dop akŋemö, nöŋön eŋğö

* 14:3: Luk 7.37-38 * 14:7: Dut 15.11

sutñine nalö dop qahö malmam. ⁸ Yañön mi nanñi akakmemeñangö dop ak niñgiza. Nöñön kömumbi löm köl niñgimeangöra ölop qeljiñe sileni kelöknöñ nömira. ⁹ Nöñön keu ölni kun kewö jibi mötket: Ölöwak Buña ki kantri igen waigen jim sehigetka anmawi, miangörenj ambi kianñon yuai ak niñgizawi, miangö buñañi mohok jiget sehiiga yangöra mötmöriba malme.” Mewö.

Judasnöñ Jisös mamalolo mem wañgimangö uru-mohok ahök.

Mat 26.14-16; Luk 22.3-6

¹⁰ Gwarekurupñi 12 yeñgörenjök kun qetñi Judas Iskariot yañön Jisös mamalolo mem wañgimangöra aka jike nup galöm yeñgörenj anök. ¹¹ Yeñgörenj anda keuñi jiiga mi möta uruñinan ölöwahiga söngöröñi monerj wañgibingöra keu jöhöget. Keu jöhögetka Jisös nalö kungen mamalolo mem wañgimangö köna möt jaruba köñbingöba malök. Mewö.

Jisösnöñ gwarek yembuk Pasowa lama neget.

Mat 26.17-25; Luk 22.7-14, 21-23; Jon 13.21-30

¹² Beret yistñi qahö miangö kendon silim mutukñe (Seqononöñ) pasowa lama kun qeba ohozema. Miangöra Jisösgö gwarekurupñan jiget, “Böhi, nini miri denikeangörenj anda pasowa lama mözözömgöm gihiba nembin? Sihimgi denöwö ahöza?”

¹³ Mewö jigetka gwarekyahötñi yahöt kewö jiba melaim etkiyök, “Inñiri Jerusalem sitinöñ öngöyohotka azi kun o kumbut kunduta kaiga miwikñaimahot. Miwikñaiaba i ölop wuatangöba anmahot. ¹⁴ Anohotka mire öngöiga miangö

tonji kewö jiyohot mötma, ‘Böhinöŋ kewö jiza: Ölöp miri uruŋi kun niŋginöŋga miangöreŋ öŋgöba gwarekurupni yembuk pasowa lama nembin.’¹⁵ Mewö jiyohotka tonjan möta miri qakŋe eu öŋgöba uruŋi ketanji kun kondel etkima. Miangöreŋ dum tatat yuai mözözömgöget ahöza. Mi kondel etkiiga miangöreŋ lama qeba ohomahot.”

¹⁶ Mewö jiiga gwarekyahötŋan mosöta sitinöŋ öŋgöba Jisösnöŋ keu jiyöhi, miangö dop miwikŋaiba kinda lama qeba ohom mözözömgöyohot.

¹⁷ Miri söŋauiga Jisösnöŋ gwarekurupŋi 12 yembuk miri miangöreŋ kaŋgotket. ¹⁸ *Kaŋgota öŋgöba dumnöŋ tata nene negetka Jisösnöŋ kewö jii mötket, “Nöŋön keu ölnji kun kewö jibi mötket: Enğöreŋök kun nömbuk nene nempa tatzawaŋön mönö mamalolo mem niŋgima.”

¹⁹ Mewö jiiga uruŋinan wösöbirik aiga könahiba nanjök nanjök qesim waŋgiba jiget, “Nöŋöra jibanbuk?”

²⁰ Qesim waŋgigetka kewö jii mötket, “12 enğöreŋök kun nömbuk beret kuluŋnöŋ kundunğözawi, yaŋön. ²¹ Suep gölmegö azi ölnjan mönö yaŋöra keu ohoget ahözawaŋgö dop gölme mosöta anma. Anmapmö, mamalolo mem waŋgimawi, yaŋöra Yei wösöbirik! jizal. Anutunöŋ mönö likepŋi öŋgöŋgöŋi melen waŋgima. Azi mi nam köröuruŋeyök qahö ahubawak, mianjön mönö amqem waŋgibawak.” Mewö.

Kembubuk semön qöndökŋi neget.

Mat 26.26-30; Luk 22.14-20; 1 Kor 11.23-25

* **14:18:** Sum 41.9

22 Nene nemba tata Jisösnöŋ beret memba kötuetsköba mindipköba enŋgiba kewö jiyök, “Ki nani busuni. Ki memba neget.”

23 Mewö jiba wain qambi memba saiwap jiba enŋgiiga körekŋan qambi kianŋörenök neget.

24 *Negetka kewö jii mötket, “Ki nani sepni. Ki Anutunöŋ ambazip yembuk jöhöjöhö aren aiga köhöimapköra sepni mokoget geiga ambazip gwötpuk amöt qem enŋgima. 25 Nöŋön keu ölni kun kewö jibi mötket: Nöŋön wain kösögö ölni kianŋören kunbuk toroqeba qahö nemam. Könaŋgep Anutugö bemtohoŋ uruŋe eu taringa közölömbuan almawi, wehön mianŋören mönö wain o qainŋi kun mia nemam.”

26 Mewö jiiga sösoŋgai liŋet köla mosöta anda Oil ip kundunje öŋgöget. Mewö.

Pitönöŋ Jisös qan kölmapkö jii mörök.

Mat 26.31-35; Luk 22.31-34; Jon 13.36-38

27 *Öŋgöba Jisösnöŋ kewö jii mötket, “Kezapqetok azi kunöŋ keu kun kewö ohoi ahöza, ‘Nöŋön galömnini qebiga lama kambunan denme.’ Mianŋö dop enöŋ körek uruŋini böliiga nömosöta buratime.

28 *Buratigetka nuŋgumemö, nöŋön mönö kömupnöhök wahöta mutuk Galili prowinsnöŋ anda mianŋören asuhum enŋgimam.”

29 Mewö jiiga Pitönöŋ kewö jii mörök, “Yeŋön körek uruŋini böliiga gömosöta buratime ewö, nöŋön mönö töndup mewö qahö akŋam.”

* 14:24: Eks 24.8; Jer 31.31-34 * 14:27: Zek 13.7 * 14:28: Mat 28.16

³⁰ Jiiga Jisösnöŋ jii mörök, “Nöŋön keu ölni kun kewö jibi mötnöŋ: Kuruknöŋ indimŋi yahöt qahö qeriga göŋön merak sunġem qaŋ köl niŋginöŋga indimŋi karöbut akŋa.”

³¹ Mewö jiyökmö, Pitönöŋ kapaŋ köla köhöiköhöi ahök, “Böhi! Mewö qahöpmö, ni nuŋgugetka göbuk mohotŋe kömumbirak, mi töndup nöŋön gi qahö qaŋ köl gihimam.” Gwarek tosatŋi pakpak mewöyök keu miyöhök jiget. Mewö.

Jisösnöŋ Gezemane arönöŋ köuluköyök.

Mat 26.36-46; Luk 22.39-46

³² Mewö eraum möta anda arö kun qetŋi Gezemanen miangöreŋ anġotket. Anġota gwarekurupŋi kewö jii mötket, “Nöŋön endu anda köuluköbiga inŋini ölop nalö sutŋe ki tatme.” ³³ Mewö jiba Pitö, Jeims aka Jon enġuaŋgita anġet. Anġetka Jisösnöŋ könahiba köŋjiliŋ kanjamŋambuk möriga köna böröŋi qeköyök. ³⁴ Mewö aka kewö jii mötket, “Nöŋgö urunan mönö kondum köla kotzawaŋgöra aka wösöbirik mötpiga kömukömuŋi ak niŋgiza. Inŋini ölop kianġoreŋ tata nömbuk guli malbin.”

³⁵ Mewö jiba nanŋök boromkun toroqeba anda simin köla sipköba sihimbölö nalöŋi mi Iwiŋaŋgö jitŋaŋgö dop oŋgitmapköra köuluköyök. ³⁶ Köuluköba jiyök, “Aba Iwini, gi yuai kun qahö mölölömbizan. Miangöra sihimbölögö qambiŋi ki mönö noaŋgitman. Noaŋgitpanak, mi nöŋgö sihimgö dop qahöpmö, mönö nangi jitkahö dop asuhuma.”

³⁷ Mewö jiba lilingöiga gwarekurupŋi karöbut yeŋön gaun ahöget enġeka Pitögö kewö jii mörök, “Saimon, gi gaun ahözan me? Gi aua mohot-töp

guli malmangö kude köhöizan me? ³⁸ Uruninan guli malbingö sihimñi mörakzinmö, sileninan lölöwöröñi akza. Mianğöra esapesapnöñ et engubapuköra mönö köuluköba guliguli malme.”

³⁹ Mewö jii möriga kunbuk engömosöta anda keu miyöhök kunbuk jiba köuluköyök. ⁴⁰ Köuluköba lilingöiga jeñini böñböñ meyöhağöra kunbuk gaunök ahöget engehök. Gaunöhök wahöta keu melenbingö janjuñ aket.

⁴¹ Jisösnöñ ani indimñi karöbut aiga lilingöba kaba kewö jii mötket, “Inini toroqeba luhut memba gaunök ahöbingö mötze me? Mötket! Kunöñ Suep gölmegö azi ölni mamalolo mem wañgiiga bölöñi meme yeğö böröñine öngöma. Mianğö aua nalöñan lök kam kuñguza. Engö gaun ahöahö nalöñinan mönö teköza. ⁴² Mönö wahötketka anin. Mötket! Mamalolo mem niñgimawi, yañön mönö dowe ki kaza.” Mewö.

Jisös qeraköba memba jöhöget.

Mat 26.47-56; Luk 22.47-53; Jon 18.3-12

⁴³ Jisösnöñ mewö jiba kiniga mianğöreñök gwarekurupñi 12 yeğöreñök kun qetñi Judas yañön kambu kun jitñe mem eñgiiga kañotket. Jike nup galöm, Köna keugö böhi aka kantrigö jitñememe yeñön i melaim engigetka bingö sou ketañi aka liñgipñini memba kaget. ⁴⁴ Mamalolo mamangö ahöhi, yañön mutuk yembuk aiwesök keu kewö jöhöba jii mötket, “Nöñön azi numbuñi yöhötüm nemami, i eka ‘Mönö mi!’ jiba memba jöhöba törörök galöm köla anme.”

⁴⁵ Mewö jiba kaba mianğöreñök Jisösgöreñ añgota “O Böhini!” jiba numbuñi yöhötüm neyök.

46 Yöhötım neıga eka Jısös qelanjıba memba jöhöget. 47 Jöhögetka kösutıne kıngerı, yeıngöreıöök kunıan bıngö sou ketanı öröba jıke nup galöm bohonıanıgö welenqeıeıı qeba kezapıı köteköı erök. 48 Jısös jöhögetka keu kewö jıı mötket, “Ni kegwek-kahasılılıı azıa qahöpmö, töndup nöıngöra mewö möta bıngö sou ketanı aka lııgıp memba nömemba jöhöbıngöra kanıgotze. 49 *Nöııön wehön dop jöwöwöl jıkenöıı embuk kında Buıa keu kusum enıgıba malbıga qahö nöımıgetmö, yuayı ki mönö Buıa Kım bıgö keunıan ölııambuk akııapköra asuhuza. 50 Jısös jöhögetka gwarek yeııön körek Jısös mosöta buratıba unıurata anet. Mewö.

Sepgılı kunöıı unıurata anök.

51 Azi gwabö kunöıı bındonıı tuatııanök köpeıba Jısösgö andöııe wuatanıgöba anök. Oponııı tosadııı qahö löııngöta anıga ı esapköba meget. 52 Membıngö osıba bındonııı qekögetka aukııamııe unıurata anök. Mewö.

Jıkegö jıtııememe yeııön Jısösgö keu nup meget.

Mat 26.57-68; Luk 22.54-55, 63-71; Jon 18.13-14, 19-24

53 Jısös jöhöba wanıgıta jıke nup galöm bohonıanıgö mıre anet. Anetka jıke nup galöm pakpak, kanrıgö jıtııememe aka Köna keugö böhi yeııön mıanıgöreıı anda tokoget. 54 Anetka Pıtönöıı sıkepsıkep enıguatanıgöba jıke nup galöm bohonıanıgö mıre anıgöta jakömbuak mırıgö kırıpo urııe öııngöyök. Öııngöba welenqeıe azi yeııngö sutıııne tata kónöp kösutııe jömörök. 55 Mewö tarökmö, jıke nup galöm aka jıke kaunsöl kambu

* 14:49: Luk 19.47; 21.37

yeñon Jisösgö silenöñ alal keu denöwö nanğöinga qeget kömumapkö jim jarugetmö, könañi kun qahö miwikñaiget. ⁵⁶ Jaruba kinda gwötpukñan keu munenji silenje ala nanğöba jigetmö, keunjan könañi mohok qahö ahök.

⁵⁷ Mewö aiga tosatñan wahöta kinda keu munenji silenje ala nanğöba kewö jiget, ⁵⁸ **“Yañon kewö jiga mörin, ‘Nöñon jöwöwöl jike börönöñ memenji ki könderñbiga gölmenöñ eriga wehön karöbutkö uruñe jike qainñi kun börönöñ memenji qahö mi mem wahöta kunğumam.’”* ⁵⁹ Mewö jigetmö, töndup keunjan könañi mohok qahö ahök.

⁶⁰ Mewö aiga jike nup galöm bohonñan wahöta mesohol köl engiba kinda Jisös qesim wañgiba kewö jiyök, *“Yeñon göhö silege keu ala nanğözei, miangö likepñi kun jiman me qahö?”*

⁶¹ Qesim wañgiiga yuai bölöñi kun qahö ahökmö, töndup likepñi kun qahö melenđa keunji bök kinök. Keunji bök kiniga jike nup galöm bohonñan kunbuk kewö qesim wañgiyök, *“Anutu möpöseim wañgimakzini, gi yangö Nahönñi Kraist akzan me qahö?”*

⁶² *Qesim wañgiiga *“On!”* jiba kewö jii mötket, *“Suep gölmegö azi ölnan mönö kukösum Tonangö börönöñ ölnje tata suepkö kousu qakñe eri ekñe.”*

⁶³ Keu mi jiiga jike nup galöm bohonñan malukunji munjurata kewö jiyök, *“Yei, iwinangö jitñi! Tosatñan keunji nanğömegöra kunbuk qahö qesim engibin.* ⁶⁴ **Anutu mepaiközawi, mi mönö nanninak möt teköze. Miangöra denöwö*

* **14:58:** Jon 2.19 * **14:62:** Dan 7.13 * **14:64:** Lew 24.16

mötmörize?” Mewö qesim enjiiga yeñon körek Jisös kömupkö bunaya akñapköra jim teköget.

⁶⁵ Mewö jim teköba tosatñan könahiba söutkölap miriba jemesoholñi esuhuba böröñinan misiba qeba kewö jiget mörök, “Dañon guhuzawi, mi ölop jinöñ mörin.” Jikegö kiripo galöm (sikiriti) yeñon mewöyök Jisös memba nuñgulumñe qekötahöget. Mewö.

Pitönöñ Jisös qañ kölok.

Mat 26.69-75; Luk 22.56-62; Jon 18.15-18, 25-27

⁶⁶ Nalö miangöreñ Pitönöñ kiripo uruñe sombenönöñ malök. Emu maliga jike nup galöm bohonñangö welenqege ambiñi kunñan miangöreñ kañgorök. ⁶⁷ Kañgota Pitönöñ könöp kösutñe jömöri ehiba kewö jiyök, “Gi mewöyök Nazaret azi Jisös miambuk malnöñ.”

⁶⁸ Mewö jiyökmö, Pitönöñ qañ köla kewö jiyök, “Keu jizani, mi qahö möta köndatzal.” Mewö jiba kiripo nañgunñe geiga kinda kuruk qerök.

⁶⁹ Nañgunöñ geiga welenqege ambi kunñan i miangöreñ kunbuk eka azi kösutñe kingeri, i könahiba kewö jii mötket, “Azi kianön mönö yeñgöreñök kun akza.”

⁷⁰ Mewö jii mötketmö, yañon kunbuk qañ kölok. Qañ köliga nalö borom kun teköiga azi kösutñe kingeri, yeñon kunbuk Pitögöra kewö jiget, “Göñon Galili azia kun akzanangöra mönö alakña, yeñgöreñöhök kun akzan.”

⁷¹ Mi möta könahiba nanñi qesuahöm anguba jöjöpañ keunöñ jim köhöiba jiyök, “Azi keunñi jizei, mi qahö möt wañgizal. Munenñ jibilenñak ewö, Anu-tunöñ mönö likepñi melenñ niñgima.”

⁷² Mewö jiba kiniga miangöreñök kuruk qeri yahöt ahök. Kuruk qeriga Jisösgö keu kewñö jii möröhi, Pitönöñ mi mötmöriyök, “Göñön indimñi karöbut qañ köl niñginöñga kuruknöñ qeri indimñi yahöt akña.” Keu mi mötmöriba wösöñi julmamgö aiga sahöt böliyök. Mewö.

15

Jisösnöñ premiö Pailötkö jeñe kinök.

Mat 27.1-2, 11-14; Luk 23.1-5; Jon 18.28-38

¹ Miri gianjiiga amandiñe jike nup galöm, kantrigö jitñememe (70), aka Köna keugö böhi aka jike kaunsöl pakpak yeñön kot öngöngöñi miangö totoko ala Jisösgö keu jim teköget. Jim tekögetka Jisös jöhöba wañgita premiö Pailötkö böröñe alget. ² Rom premiö yeñön Jisös kewö qesim wañgiyök, “Ölña, gi Juda yeñgö kiña akzan me qahö?” Qesim wañjiiga Jisösnöñ melenña jii mörök, “Mönö nangak jizani, mewö.”

³ Jike nup galöm yeñön keu gwötpuk Jisösgö silene ala jiget. ⁴ Jigetka Pailötnöñ Jisös kunbuk qesim wañgiba jiyök, “Mötnöñ! Yeñön keu gwötpuk göhö silege ala jizei, göñön miangö likepñi kun jiman me qahö?”

⁵ Mewö jiyökmö, Jisösnöñ bölöñi kun qahö ahökmö, töndup keu kitipñi kunbuk qahö melenñök. Keu bök kiniga premiönöñ welipköyök. Mewö.

Pailötnöñ Jisös kömumapkö jim teköyök.

Mat 27.15-26; Luk 23.13-25; Jon 18.39–19.16

⁶ Yambu (yara) dop pasowa sösöñgai nalöñe premiönöñ kösö mireyök azi kun qetñi qeta

qesigeri, mi pösat engizapma. ⁷ Nalö mianğörej azi kun qetnji Barabas qetkeri, yañön kösö mire tarök. Yañön kegwek-kahasililiñ azi tosatnji yembuk karim gila azi kun qeget kömuyöhi, mianğöra kösö mire al engiget. ⁸ Mewö aiga könagesö yeñön premiögö miri sombemñe eu öngöba kinda könahiba akñalöhanğö dop akñapkö qesim wañgiget. ⁹ Qesim wañgigetka melenđa kewö jii mötket, “Nöñön Juda engörej kiñ pösatpi etmapkö mötze me?” ¹⁰ Jike nup galöm yeñön Jisösgöra körögisigisi mötkerañğöra aka i premiögö böröñe al wañgiget. Mi möta sihimñinañğö mewö qesim engiyök.

¹¹ Qesim engiiga jike nup galöm yeñön ambazip kambu uruesiesi mem engiba kewö jiget, “Mönö Jisös mosöta Barabas pösatman! Mewö qesim wañgime.” ¹² Mewö jigetka kunbuk melenđa qesim engiyök, “Mewö jizeañğöra Juda engörej kiñ qetnji mewö qerakzei, nöñön mönö i denöwö ak wañgibileñak?”

¹³ Mewö qesim engiiga kunbuk qetket, “Mönö maripomnöñ qeget jiman!”

¹⁴ Mewö qetketka Pailötnöñ kewö jii mötket, “Mi wuanöñğöra? Yañön mönö wani bölöña ahök?” Mewö jiyökmö, yeñön mi möta kapan köla toroqeba qet gigilahöba kewö qetket, “Mönö maripomnöñ qeget jiman!”

¹⁵ Mewö qetketka Pailötnöñ ambazip kambu sihimñinañğö dop akñamgö möta Barabas pösat engii erökmö, Jisösyä jiiga ihilek wahinambuknöñ qeyöyaköba qeget. Mewö qegetka maripomnöñ

qemegöra Rom yarö azi yengö böröñine alök. Mewö.

Jisös kukulömbuan ak wanğiget.

Mat 27.27-31; Jon 19.2-3

¹⁶ Yarö azi yengön Jisös wanğita premiögö jakömbuak mirigö kiripo uruñe anğotket. Anğota yarö kambu lökñanök öröm enğigetka miangören kaget. ¹⁷ Kaba maluku pisikñi gugakgugak mi Jisösgö sileñe löngöt wanğiba sötman kösö limbiñda ila ewö nöröpñe kölget geyök. ¹⁸ Mewö geiga könahiba waikñi memba jölöñi jiget, “Owe owe, Juda yengören kiñ, owe!” ¹⁹ Titipepe mewö aka jigetka jehotnön nöröpñe qeba söutkölap qeba simin köl wanğiba sipköba möpöqöpösei munenji mem wanğiget. ²⁰ Mepaqepaik mewö ak wanğim teköba maluku pisikñi gugakgugak mi qeköba nanñe sile esu löngöt wanğiba maripomnön qebingöra wanğita anget. Mewö.

Jisös maripomnön qeget.

Mat 27.32-44; Luk 23.26-43; Jon 19.17-27

²¹ *Anda köna namñe azi kun qetñi Saimon miwikñaiget. Yanön Afrika siti qetñi Sairini miangö aziña aka Aleksander aka Rufus yetkö iwiñira. Yanön nupnöhök kanğoriga kungum wanğigetka Jisösgö maripomñi memba anğuyök. ²² Jisös mewö wanğita gölme kun qetñi Golgota mi nanine keunön nöröp sihit, miangören anda anğotket. ²³ Anğota wain o aka marasin qetñi mör mi mindiriba lolonqalon memba wanğigetmö, Jisösnön mi tököyök. ²⁴ *Tököiga

* 15:21: Rom 16.13 * 15:24: Sum 22.18

kinda maripomnöḡ qeget. Qeget kiniga kiawen meget qötöḡi ahuḡga Jiḡsgö sile esuḡi mohok mohok sutḡine miangö dop mendenḡa meget. ²⁵ Söḡan 9 kilok miangöḡeḡ maripomnöḡ qeget. ²⁶ Maripomnöḡ qeba nöḡöḡe eu qegerangö köḡaḡi kewö ohoba qeget, “Juda yeḡgö kiḡ kembuḡina ki.” ²⁷ Kegwek-kahasiliḡi azi yahöt mewöyök yambuk maripomnöḡ etkuget. Kun böḡöḡi öḡe kun qaḡiḡe likeplikep mewö etkuget. ²⁸ *(Anutugöḡeḡ Buḡa Kimbinöḡ keu kewö ohoget ahöza, “I kewöta kegwek-kahasiliḡi azi ewö mötmöḡiba yeḡgö sutḡine alget.” Keu miangön mewö öḡhambuk ahök.)

²⁹ *Ambazip oḡgita anda kaba kukulömbuaḡ aka jelikit aka nöḡöḡ köla kewö jiget, “Yei! Gi mönö jöwöwöl jike öḡöḡ köndenḡöḡga gölmenöḡ eriga wehön karöbutkö uruḡe kunbuk mem wahöt kuḡgumangö jinöḡ. O, gi azi qetpuk! ³⁰ Mönö nangi bauköm aḡguba maripomnöḡök etman.”

³¹ Jike nup galöm aka Köna keugö böhi yeḡön mewöyök sutḡine mepaqepaik ak waḡgiba jiget, “Tosatḡa bauköm eḡgiba malökmö, nannḡi bauköm aḡgumangö osiza. ³² Yaḡön Amötqeqe Toḡi Kraist aka Israelgö kiḡ akza ewö, mönö döḡki maripomnöḡök eri eka mi möt naribinak.” Mewö jiget.

Azi yambuk maripomnöḡ etkugeri, yetköḡ mewöyök uruqeqe keu töhöḡeḡ jim waḡgiyohot. Mewö.

Jiḡsöḡnöḡ kömuyök.

Mat 27.45-56; Luk 23.44-49; Jon 19.28-30

* **15:28:** Ais 53.12 * **15:29:** Sum 22.7; 109.25; Mak 14.58; Jon 2.19

33 Silim bibiŋi 12 kilok aiga miangören sönəupnön eta gölme pakpak dop köla ahöiga anda aua karöbutkö dop ahök. 34 *Jisösnön 3 kilok miangören nanne keunön kewö qet ketanji qerök, “Eloi, eloi, lama sabaktani?” Mi nanine keunön: Anutuni, Anutuni mönö wuanöngöra andö nuŋguzan?

35 Mewö qeriga azi kösutne kingeri, yengörenök tosatŋan mi möta jiget, “Mötket! Mönö Elaijagöra qetza.” 36 *Yengörenök kunön ösumŋan anda mömördö kun kahali tandök mi memba wain o asölŋambuknön kundumgöba ip göröm kitipne jöhöba suruba Jisös numbu susuŋe eu ali neiga jiyök, “Mönö mosötketka nanjök kinök. Elaijanön kaba meköi etma me qahöpto, mönö mi ekin.”

37 Mewö aketka Jisösnön qet ketanji qeta wösöŋi nön qeiga kömuyök.

38 *Kömuiga miangörenök jöwöwöl jikegö uruŋe opo kinöhi, mianön mönö euyök bibiŋe jurata eta yahöt ahök. 39 Suahö galömnön maripom mesohol köla kinda Jisösnön wösöŋi nön qeiga kömuyöhi, mi eka kewö jiyök, “Azi kianön mönö ölŋa Anutugö nahönŋa akza.”

40 *Ambi tosatŋan mewöyök sikep kinda yuai mi eket. Yengö sutŋine Magdalagö Maria aka Maria Jeims dubatŋi aka Joses yetkö namŋiri aka Salome yeŋön mohotŋe kinget. 41 Yeŋön Jisösnön Galili prowinsnön maliga miangören i wuatangöba welen qem waŋgiba malget. Mewöyök ambi tosatŋi

* 15:34: Sum 22.1 * 15:36: Sum 69.21 * 15:38: Eks 26.31-33

* 15:40: Luk 8.2-3

gwötpuk Jisösbuk Jerusalem sitinöŋ öngöba kageri, yeŋön mewöŋanök kösutŋe kinget. Mewö.

Jisösgö qamötŋi löm kölget.

Mat 27.57-61; Luk 23.50-56; Jon 19.38-42

⁴² Sabat kendon tatatköra yuai mözözömgögetka Sabat kendonöŋ könahimangöra dopdowiiga mare aka kayök. ⁴³ Neŋgogie miangöreŋ Arimatia tonŋi, azi qetbuŋaŋambuk qetŋi Josef yaŋön kayök. Yaŋön mewöyök Anutu bemtohoŋangö ölnŋi asuhumapköra mamböta malök. Yaŋön Juda yeŋö jike kaunsöl kambugö jitŋememe kun aka Sabat kendonöŋ könahimangö ahöraŋgöra aka keŋgötŋi yaköriba Pailötköreŋ anda Jisösgö qamötŋi memangö qesiyök. ⁴⁴ Qesiiga “Ölŋa kömuza me qahöpto?” jiba mötmöriba suahö galömnŋi jii kaiga “Jisösnöŋ nalö köröpŋi me töröpŋi kömuza,” jiba qesim waŋgiyök. ⁴⁵ Qesim waŋgiiga buzup keuŋi möta Jisösgö qamötŋi Josef jim teköm waŋgiyök. ⁴⁶ Jim teköm waŋgiiga opo tuatŋi söŋgöröŋi memba anda qamötŋi maripomnöhök qeköba memba eta oponöŋ esuhuyök. Esuhuba memba qaksirinöŋ anda kötnöŋ köteŋ urorohogetka dum ahöyöhi, miangöreŋ alök. Ala köt kötaŋi kun metaliga köteŋ numbuŋi közipköyök. ⁴⁷ Denike alöhi, mi Magdalagö Maria aka Maria Josesgö namŋi yetkön kinda ehot. Mewö.

16

Jisösnöŋ kömupnöhök wahörök.

Mat 28.1-8; Luk 24.1-12; Jon 20.1-10

¹ Sabat kendon tatket teköiga miangörej Magdalagö Maria, Maria Jeimsgö namñi aka Salome yeñon “Jisösgö qamöñi anda miribin.” jiba jiniñ jimoron umköhōwakñambuk söngöröñi meget. ² Memba ahöba Sonda söñanök wahöta miri gianji wehön jilinbölañ kori qaksirinöñ anget. ³ Anda eraum möta jiget, “Qaksirigö numbuñe köt ketani tatzawi, mi mönö dañon qetalma?” ⁴ Mewö jiba ugetka ani kewö eket: Köt keta bölökñi mi lök qetalget anda ahöyök. ⁵ Qaksirigö köt köteñ numbuñi mewö añañiba kiniga uruñe öngöget. Öngögetka ölnine göröken azi gwabö kun malukuñi köröpñi tuatñi tariga eket. Mewö eka gwötpuk awöwöliget. ⁶ Awöwöligetmö, kewö jii mötket, “Mönö keñgötñini kude mötme. Inini Nazaret azi Jisösgöra jaruze. I maripomnöñ qegetmö, mönö guliba wahörök. Miangöra ki kude ahöza. Eket! Dumñi ki, miangörej suluget ahöyök. ⁷ *Miangöra mönö anda Pitö aka gwarekurupñi pakpak buzup kewö jiget mötme, ‘Yañon mönö qeljine mutuk Galili prowinsnöñ anma. Inini mewöyök miangörej anda keuñi jiyöhañgö dop i ekñe.’” ⁸ Mewö jiiga auruba jönömñini unduiga köt köteñök eta ösumñinan anget. Sömbuñini mötkerañgöra keu kun kude jigetmö, keuñini bököyök. Mewö.

*Jisösnöñ Magdalagö Mariagörej asuhuyök.
Mat 28.9-10; Jon 20.11-18*

⁹ Jisösnöñ Magdalagö Maria yañgö uruñeyök öme 7 enguatañgöiga malök. Jisösnöñ kömupñöhök wahöta Sonda söñan amandiññon mutuk Maria

* **16:7:** Mat 26.32; Mak 14.28

mi asuhum wan̄giyök. ¹⁰ Asuhum wan̄giiga alaurup̄ñan Jisösbuk mala kota nalö mianḡören̄ jin̄geñ köla sahötkeri, Marianöñ mönö yenḡören̄ anda buzup̄ñi jii mötket. ¹¹ Mötketmö, Jisösnöñ guliba mali Marianöñ ehöhi, mi qahö möt nariget. Mewö.

Jisösnöñ alayahötñi yetkören̄ asuhuyök.

Luk 24.13-35

¹² Mianḡö andöñe alayahötñan Jerusalem siti mosöta miri kunöñ anbitköra könanöñ anohotka Jisösnöñ kaisongolom̄ñan melen̄niga asuhum etkiyök. ¹³ Yetköñ mewöyök anda buzup̄ñi mi alaurup̄ñi jiyohot mötketmö, yeñön mi mewöyök qahö möt nariget. Mewö.

Jisösnöñ gwarekurup̄ñi asuhum engiyök.

Mat 28.16-20; Luk 24.36-49; Jon 20.19-23; Apo 1.6-8

¹⁴ Könan̄gep gwarekurup̄ñi 11 mien̄ön tokoba nene nema tatketka yenḡöra mewöyök asuhuyök. Asuhuba uruköhöik̄ñinan̄göra tembula kömup̄nöhök wahöriga ekeran̄ön buzup̄ñi jiget möta mi qahö möt narigeri, mianḡöra i jim engiyök. ¹⁵ *Jisösnöñ kewö jii mötket, “In̄ini mönö kantri dop anda gölmen̄i gölmen̄i liliköba ambazip mal anjeanḡö dop Ölöwak Buñani jim asarigetka mötme. ¹⁶ Kun̄ñan Anutu möt nariiga o melun mem wan̄gigetka uruñi melen̄mawi, yañön mönö letota Suepkö buñaya ak̄ña. Kun̄ñan qahö möt nariba yan̄giseñ malmawi, Anutunöñ mönö yan̄gö keuñi jim teköiga könöp siagö buñaya ak̄ña. ¹⁷ Möt narim ningiba malmei, mi aiwesök mem engigiba könan̄am̄ñini kewö asuhuma: Yeñön nöngö qetne

* **16:15:** Apo 1.8

ömewöröme enġuataŋġöme. Kantri tosatni yeŋġö keuġini jime. ¹⁸ Mokoleŋ böröŋinan memba wahötme. Möröm warabe o yuai negetka mianġön mönö qahö mem bölim enġima. Böröŋini kawöl ambaziġ qakŋine algetka ölöwakŋe.” Mewö.

Jisösnöŋ Suep mire öŋġöyök.

Luk 24.50-53; Apo 1.9-11

¹⁹ *Kembu Jisösnöŋ keuġi mewö jii mötketka Anutunöŋ waŋgiriga Suepnöŋ öŋġöba Anutugö böröŋi ölnje tata malja. ²⁰ Eu maljapmö, gwarekurupŋan mosöta miri gölme dop anda Buŋa keuġi jim sehiba malget. Mewö malgetka Kembunöŋ yembuk nup memba inahöm enġiiga aŋġöletot asuhugetka keuġinan köhöiyök. Mewö.

* **16:19:** Apo 1.9-11

Burum-Mindik Bible
The New Testament and portions of the Old Testament
in the Somba-Siawari language of Papua New Guinea,
also called the Burum Mindik language.
Sampela hap Buk Baibel long tokples Burum Mindik
long Niugini

Copyright © 1992, 2002 The Bible Society of Papua New Guinea

Language: Burum-Mindik or Somba-Siawari (Somba-Siawari or Burum-Mindik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-22

PDF generated using Haiola and XeLaTeX on 11 Nov 2022 from source files dated 9 Oct 2020

c0871260-68cc-5a50-953f-52200e105d1e